

**Die rol van forensiese maatskaplike
werkers ten opsigte van seksuele misbruik
van babas in die Boland**

FSH DE JONGH

2012

**Die rol van forensiese maatskaplike werkers ten opsigte
van seksuele misbruik van babas in die Boland**

FILICIA SHIRLEY HELEN DE JONGH

Manuskrip voorgelê ter gedeeltelike nakoming van die vereistes

vir die graad

MAGISTER ARTIUM

(MAATSKAPLIKE WERK FORENSIESE PRAKTYK)

in die

FAKULTEIT GESONDHEIDSWETENSKAPPE

aan die

NOORDWES-UNIVERSITEIT

(POTCHEFSTROOMKAMPUS)

Studieleier: Dr AA Roux

Mede Studieleier: Prof CC Wessels

Potchefstroom

November 2012

DANKBETUIGINGS

Ek bedank graag diegene wat my gedurende die afgelope twee jaar geïnspireer en ondersteun het:

Dr Adrie Roux vir baie ekstra moeite, tyd, ondersteuning, leiding en kennis.

Prof Cornelia Wessels, vir haar bydrae en ondersteuning, en vir haar hulp ten einde 'n beurs te bekom wat hierdie studie moontlik gemaak het.

Me Erika Viljoen en Helene van Niekerk vir die keuringe taalversorging en tegniese versorging.

My ma, Annie de Jongh, vir haar aanmoediging en liefde.

Die ondersteuning en aanmoediging van Gary en my kollegas Geraldine, Maria en Abigail wat hierdie reis saam met my aangepak het.

Aan God, my Vader en Skulling, vir Sy liefde en alomteenwoordigheid

INHOUDSOPGAWE

OPSOMMING	V
ABSTRACT	VII
VOORWOORD	VII
VOORSKRIFTE AAN OUTEURS.....	VIII
VERKLARING	IX
DIE ROL VAN FORENSIESE MAATSKAPLIKE WERKERS TEN OPSIGTE VAN SEKSUELE MISBRUIK VAN BABAS IN DIE BOLAND	1
1 OPSOMMING	1
2 PROBLEEMSTELLING	1
3 DOELSTELLING EN DOELWITTE	6
3.1 DOELSTELLING	6
3.2 DOELWITTE	6
4 SENTRALE TEORETIESE STELLING	6
5 METODE VAN ONDERSOEK	7
5.1 LITERATUURONTLEDING	7
5.2 EMPIRIESE ONDERSOEK	8
5.2.1 <i>Die navorsingsontwerp</i>	8
5.2.2 <i>Deelnemers</i>	8
5.2.3 <i>Meetinstrumente</i>	9
5.2.4 <i>Navorsingsprosedures</i>	10
5.2.5 <i>Etiese aspekte</i>	11
5.2.6 <i>Dataverwerking</i>	11
6 BETEKENIS VAN DIE ONDERSOEK	12
7 BEPERKINGS VAN DIE ONDERSOEK	13
8 BEGRIPSOMSKRYWINGS	13
8.1 BABA	13
8.2 FORENSIESE MAATSKAPLIKE WERK	14
8.3 GKS-EENHEID (GESINSGEWELD-, KINDERBESKERMINGS- EN SEKSUELE MISBRUIKEENHEID).....	16
8.4 SEKSUELE MISBRUIK	16

9	BESPREKING VAN DIE NAVORSINGSRESULTATE.....	17
9.1	PROFIEL VAN RESPONDENTE.....	17
9.1.1	<i>Posbeskrywings.....</i>	18
9.1.2	<i>Werkservaring.....</i>	20
9.2	SEKSUELE MISBRUIK VAN BABAS.....	21
9.2.1	<i>Mening aangaande seksuele misbruik van ‘n baba.....</i>	21
9.2.2	<i>Beleid aangaande beweringe van seksuele misbruik van babas.....</i>	22
9.2.3	<i>Die SAPD beleid.....</i>	22
9.2.4	<i>Aantal gevalle van seksuele misbruik van babas hanteer.....</i>	25
9.2.5	<i>Aard en uitkomst van die sake waar babas die slagoffers is.....</i>	26
10	DIE ROL VAN DIE FORENSIESE MAATSKAPLIKE WERKER	29
10.1	BETROKKEHEID VAN FORENSIESE MAATSKAPLIKE WERK	29
10.2	ROL/VAARDIGHEDE VAN DIE FORENSIESE MAATSKAPLIKE WERKER IN TERME VAN DIE SEKSUELE MISBRUIK VAN BABAS	32
10.2.1	<i>Forensiese maatskaplike werkers is “fact-finders”</i>	33
10.2.2	<i>Die forensiese maatskaplike werker doen volledige agtergrondstudie.....</i>	33
10.2.3	<i>Die forensiese maatskaplike werker kan ‘n verwysingsrol vertolk.....</i>	35
10.2.4	<i>Die forensiese maatskaplike werker speel ‘n rol waar die slagoffer verbaal onbevoeg is.....</i>	35
10.2.5	<i>Forensiese maatskaplike werkers moet gespesialiseerde opleiding ontvang</i>	36
10.2.6	<i>Die forensiese maatskaplike werker tree as deskundige getuie in die hof op</i>	37
10.2.7	<i>Forensiese maatskaplike werkers ondersoek kollaterale bronne</i>	38
10.2.8	<i>Forensiese maatskaplike werkers voorsien indiepte verslae</i>	39
10.2.9	<i>Forensiese maatskaplike werkers het ‘n opvoedingsfunksie</i>	39
11	BESPREKING.....	40
12	SAMEVATTING.....	41
13	AANBEVELINGS.....	41
14	BIBLIOGRAFIE	43
BYLAE	51
BYLAAG 1: SKRIFTELIKE TOESTEMMING VAN SAPD.....		51
BYLAAG 2: SKRIFTELIKE TOESTEMMING VAN DIE DEELNEMERS.....		54
BYLAAG 3: DIE ROL VAN FORENSIESE MAATSKAPLIKE WERKERS IN DIE ONDERSOEK VAN SEKSUELE MISBRUIK VAN BABAS IN DIE BOLAND		56

LYS VAN TABELLE

TABEL 1: WERKSERVARING VAN RESPONDENTE	20
TABEL 2: OUDERDOM VAN SLAGOFFERS.....	25
TABEL 3: BETROKKENHEID VAN FORENSIESE MAATSKAPLIKE WERKERSERS TYDENS SEKSULELE MISBRUIK VAN BABAS	30

OPSOMMING

Titel: Die rol van forensiese maatskaplike werkers ten opsigte van seksuele misbruik van babas in die Boland

SLEUTELTERME: Baba, forensiese maatskaplike werker, Gesinsgeweld-, Kinderbeskermings- en Seksuele Oortredingseenheid (GKS-teenheid), rol, seksuele misbruik, Suid-Afrikaanse Polisiediens (SAPD).

Maatskaplike werkers is al jare betrokke by die ondersoek van die misbruik en mishandeling van die kind, insluitend seksuele misbruik. Dit is veral die forensiese maatskaplike werker wat betrokke is by die ondersoek van bewerings van seksuele misbruik van kinders. Die forensiese maatskaplike werker word betrek wanneer 'n kriminele saak by die Suid-Afrikaanse Polisiediens (SAPD) geregistreer word, waarna dit hierdie persoon se rol is om die SAPD en die regssisteem op 'n objektiewe manier behulpsaam te wees in die ondersoek van misdade teen kinders, wat insluit beweerde seksuele misbruik van babas.

Die **doel** van hierdie navorsing was om die rol van forensiese maatskaplike werkers in die ondersoek van die seksuele misbruik van babas in die Boland te bepaal. Daar is van die kwalitatiewe navorsingsprosedure gebruik gemaak en deur middel van indiepte onderhoude is data by drie staatsaanklaers en drie forensiese maatskaplike werkers van die SAPD in die Worcester, Ceres en Paarl areas bekom. Die resultate van die ondersoek word aan die hand van temas weergegee.

Dit is vanuit die bevindinge duidelik dat die suksesvolle vervolging en skuldigbevinding van oortreders van seksuele misbruik van babas baie beperk is as gevolg van die onvermoë van die baba om getuie te lewer. Die kritieke rol van opgeleide forensiese maatskaplike werkers in die ondersoek van hierdie sake word deur hierdie navorsing sterk beklemtoon. Respondente het aangedui dat die forensiese maatskaplike werker se bydrae tot die deeglike ondersoek van kollaterale bronne en die interpretering daarvan van groot waarde is. As deskundige getuie kan die forensiese maatskaplike werker 'n baie prominente rol in die skuldigbevinding van oortreders van seksuele misbruik van babas speel.

ABSTRACT

TITLE: The role of the forensic social workers regarding sexual abuse of babies in the Boland

KEY TERMS: Baby, forensic social worker, Family Violence, Child Protection and Sexual Offences Unit (FCS-unit), role, sexual abuse, South-African Police Service (SAPS).

For years social workers have been involved in the investigation of child abuse cases, which includes the sexual abuse of children. The forensic social worker primarily engages with the investigation of child sexual abuse allegations and their involvement begins when a criminal case of alleged child sexual abuse is registered with the police. The core function of forensic social workers is to objectively assist the South African Police Service (SAPS) and the judicial system during the investigation of crimes against children, which includes cases of alleged sexual abuse of babies.

The **aim** of this study was to determine the role of the forensic social worker in cases of sexual abuse of babies in the Boland. A qualitative research procedure was followed and data was gathered through in-depth interviews with three state prosecutors working in regional courts in Worcester, Ceres and Paarl. In-depth interviews were also conducted with three SAPS forensic social workers in these areas. The results of the investigation were summarised according to certain themes.

The results of the study indicate that the successful prosecution and conviction of offenders of the sexual abuse of babies are limited, because a baby is unable to deliver testimony. The crucial role of the qualified forensic social worker in the investigation of these cases was highlighted in the study. The participants found the thorough investigation of collateral sources and the interpretation of information gathered by forensic social workers of great value. As an expert witness the forensic social worker can therefore play a prominent role in the conviction of offenders of sexual abuse of babies.

VOORWOORD

Die artikelformaat is gekies ooreenkomstig Regulasie A.7.2.3 vir die graad MA (Maatskaplike Werk Forensiese Praktyk) soos vervat in die Jaarboek van die Noordwes-Universiteit, Potchefstroomkampus. Die artikel sal vir plasing aan die vereistes soos gestel in die tydskrif Maatskaplike Werk/Social Work voldoen.

VOORSKRIFTE AAN OUTEURS

Die vereistes van die tydskrif Social Work/Maatskaplike Werk (ISSN – 0037) is as basis gebruik om die artikels te formuleer. Die volgende voorskrifte aan outeurs:

Die tydskrif publiseer artikels, kort mededelings, boekbesprekings en kommentaar op reeds gepubliseerde artikels uit enige gebied van die maatskaplike werk asook relevante bydraes uit ander dissiplines. Bydraes mag in Afrikaans of Engels geskryf word. Artikels in Afrikaans moet vergesel wees van 'n Engelse opsomming van ongeveer 200 woorde. Alle bydraes sal krities deur ten minste twee keurders beoordeel word. Beoordeling is streng vertroulik. Manuskripte sal na die outeurs tergestuur word indien ingrypende hersiening vereis word of indien die styl nie ooreenstem met die tydskrif se standaard nie. Kommentaar op artikels wat in die Tydskrif gepubliseer is, moet van toepaslike titels, die naam(name) en adres(se) van die outeur(s) voorsien wees en verkieslik nie langer as 15 bladsye wees nie. 'n Disket met die hele teks, verkieslik in MS Windows of ASCII moet die hele manuskrip en een duidelike kopie daarvan vergesel. Manuskripte moet slegs op een kant van die bladsy in dubbelspasiëring getik word. Verwysings moet volgens die Havard-stelsel geskied. Wanneer woordelike sitate, feite of argumente uit bronne gesiteer word, moet die van(ne) van die outeur(s), jaar van publikasie, en bladsynommers tussen hakkies in die teks verskyn, bv. “...” (Berger, 1967:12). Meer besonderhede omtrent bronne moet alfabeties volgens die vane van die outeurs aan die einde van die manuskrip onder die opskrif “Biografie” verskyn.

VERKLARING

Hiermee verklaar ek, FSH De Jongh, dat die skripsie getitel, “Die rol van forensiese maatskaplike werkers ten opsigte van seksuele misbruik van babas in die Boland”, my eie werk is.

.....

F.S.H. de Jongh

Die rol van forensiese maatskaplike werkers ten opsigte van seksuele misbruik van babas in die Boland

De Jongh, F.S.H., Roux, A.A. & Wessels, C.C.

Sleuteltermes: Baba, forensiese maatskaplike werker, Gesinsgeweld-, Kinderbeskermings- en Seksuele Oortredingseenheid (GKS-teenheid), rol, seksuele misbruik, Suid-Afrikaanse Polisie diens (SAPD).

1 OPSOMMING

Maatskaplike werkers is al jare betrokke by die ondersoek van beweringe van seksuele misbruik van kinders. Hierdie betrokkenheid van maatskaplike werkers is dus nie 'n nuwe konsep nie. Die forensiese maatskaplike werker wat werksaam is by die Suid-Afrikaanse Polisie diens (SAPD) se Gesinsgeweld-, Kinderbeskerming- en Seksuele Oortredingseenheid (GKS-teenheid), se kernfunksie is die ondersoek van seksuele misbruik van kinders in die ouderdomsgroep 0-18 jaar.

Die forensiese maatskaplike werker moet oor uitgebreide kennis ten opsigte van kinderontwikkeling en gesinsdinamika beskik. As deel van die ondersoek teenheid moet die forensiese maatskaplike werker verder 'n objektiewe bydrae lewer tot die ondersoek na bewerings van seksuele misbruik van kinders, ook waar babas betrokke is.

Met hierdie navorsing is die doel om die rol van die forensiese maatskaplike werker te bestudeer in die ondersoek van bewerings van seksuele misbruik van babas in die GKS-teenhede in die Boland.

2 PROBLEEMSTELLING

Volgens Dunn (2011:155) is Suid-Afrika 'n land "that promotes democracy and a culture of human rights. Yet violence against women and children has unfortunately reached epidemic proportions". Fouché en Joubert (2003:12) meld dat die seksuele misbruik van kinders 'n bepaalde bron van bekommernis is, aangesien die gevalle

wat aangemeld word jaarliks toeneem. Verkragting van babas in Suid-Afrika het na Oktober 2001 baie aandag geniet met die wye mediadekking van die verkragting van Baba Tshepang in Upington (Bird & Spurr, 2007:36) asook die van “Baby P” in Londen (Ferguson & Lavalette, 2009). Die Misdaadinformasie Beheersentrum van die Suid-Afrikaanse Polisie (SAPD) (SA, 2003) dui aan dat 22 1072 kinders onder die ouderdom van 17 jaar verkrag is gedurende 1998, terwyl statistieke van 2003 aantoon dat 15% van verkragtingslagoffers jonger as 12 jaar was. Volgens die jaarverslag van die SAPD (SA, 2007/2008) is daar 63 960 gevalle van misdade teen kinders gedurende hierdie tydperk aangemeld. In Suid-Afrika erken die SAPD verder dat verkragtings nie almal aangemeld word nie en in die geval van kinders dit gedeeltelik toegeskryf word aan die feit dat die oortreders familieledes is (CIAC, 2002 soos aangehaal in NPA 2010 (SA, 2010:12).

Volgens Coetzer (2006:123-124) het slegs 8,9% van die gevalle in 2000 tot skuldigbevindings gelei. Die redes vir hierdie lae skuldigbevindingsyfer blyk volgens Collings (2007:15) die volgende te wees:

- die slagoffer en/of die familie trek die saak terug;
- die saak word nie by die Suid-Afrikaanse Polisie aangegee vir vervolging nie en
- die beweerde beskuldigde word nie deur die Suid-Afrikaanse Polisie opgespoor nie.

Die ondersoeker het gedurende 2007 tot 2010 in haar gevallelading vier aanmeldings van beweerde seksuele oortredings, waar die slagoffers babas was, hanteer. Drie van die vier sake is teruggetrek omdat die inligting bekom nie voldoende was om verdere regsprosedures te regverdig nie. Richter (2003:392) sê in hierdie verband die volgende: “In South Africa, the rape of infants and toddlers occurs”. Marchetti-Mercer (2003:6) verwys na die toenemende gevalle van kindere- en baba-verkragtings en dat daar na Suid-Afrika as die wêreld se verkragtingsvoorloper verwys word. Suid-Afrika is volgens Richter (2003:393) ’n samelewing wat gekenmerk word deur ’n algemene gebrek aan die beskerming van jong kinders, soos blyk uit die jaarlikse toename in straatkinders,

kindermishandeling en die verwydering van kinders uit die sorg van ouers, om net enkele voorbeelde te noem.

Volgens Richter *et al.* (2004:52), word daar dikwels nie onderskeid getref tussen die verkragting van babas en die van kinders in ander ouderdomsgroepe nie. Hierdie standpunt word deur Ka'Nkosi (2001:15) gestaaf deur die volgende stelling: "One of the few areas of agreement is that baby rapes is a new phenomenon in South Africa and needs to be studied carefully before any conclusions can be drawn".

Daar word geskat dat 10% van alle verkragtings in Suid-Afrika gepleeg word teen kinders wat jonger as drie jaar oud is. Verkragting van die jong kind is dus nie 'n ongewone verskynsel nie (Richter, 2003:392). Pogings moet daarom aangewend word ter formulering van spesifieke riglyne vir die hantering van hierdie gevalle.

Verkragting word volgens die Wet op Seksuele Oortredings, 32/2007 (SA, 2007), omskryf as die seksuele penetrasie van die vagina, mond en anus deur die gebruikmaking van enige liggaamsdeel of objek/voorwerp. Die bepaling of seksuele penetrasie wel plaasgevind het, kan slegs gedoen word deur die mediese professie of deur die slagoffer self. Hoofstuk 3 van die Wet op Seksuele Oortredings, 32/2007 (SA, 2007) omvat alle tipe seksuele misdade wat teen kinders gepleeg kan word.

Die ondersoek en die suksesvolle vervolging van seksuele oortredings teen babas is 'n uitdaging, veral as gevolg van die kind se gebrekkige of afwesige verbale vermoëns. Dit is die taak van die forensiese maatskaplike werker om deur middel van assessering die nodige bewyse te vind dat die kind seksueel misbruik is (Fouché, 2006:213). Die doel van forensiese maatskaplike werkassessering is volgens Müller (2001:8) "to obtain a truthful account from the child in a manner which will best serve the interest of the child". Die Children's Act, 38 van 2005 (SA, 2005), beklemtoon dat daar altyd opgetree moet word in die belang van die kind, soos veral blyk uit Artikel 7. Hierdie artikel omskryf die standaard wat gehandhaaf moet word tydens enige intervensies waar kinders betrokke is. Die vraag wat hieruit voortspruit is of die betrokkenheid van die forensiese maatskaplike werker in die ondersoek van beweringe van seksuele misbruik van babas in die belang van die baba is. Volgens Kuehnle en Connell (2009:69) is die sleutel tot akkurate assessering van beweringe van seksuele misbruik van kinders om toepaslike rolle

en rolgrense te vestig en te onderhou. Dit is dus essensieel dat die forensiese maatskaplike werker se rol ten opsigte van die ondersoek van seksuele misbruik van babas duidelik omskryf word. Daar bestaan egter 'n veronderstelling dat wanneer 'n kind verbaal onbevoeg is, forensiese maatskaplike werkers nie betrokke moet wees in die ondersoek nie. Daar bestaan heelwat navorsing en literatuur rondom die betrokkenheid van die forensiese maatskaplike werker wanneer die kind drie jaar en ouer is. Weinig navorsing bestaan egter oor betrokkenheid van die forensiese maatskaplike werker wanneer kinders jonger as drie jaar is.

Louw en Louw (2007:92) omskryf die term baba/babajare as "Infancy lasts from the neonatal phase to the end of the second year of life". Op tweejarige ouderdom kommunikeer die kind gebrekkig en basies. Volgens Louw en Louw (2007:107) het 'n tweejarige kind 'n woordeskat van gemiddeld 300 woorde. Tesame met die kind se kognitiewe onvolwassenheid is dit hoogs onwaarskynlik dat geloofwaardige inligting deur assessering van die kind alleenlik bekom sal word. Hewitt (1999:16) noem in hierdie verband dat babas en kleuters nie hul ondervindings kan verbaliseer nie, en daarom word die seksuele misbruik nie gerapporteer nie, met die uitsondering van die volgende omstandighede:

- 'n erkenning deur die oortreder;
- 'n ooggetuie van die seksuele misbruik;
- die teenwoordigheid van sperm;
- die teenwoordigheid van 'n seksueel oordraagbare siekte/mediese beserings.

Waar die kind in die pre-verbale stadium is, is die inligting van ander rolspelers soos geneeshere, polisie, ouers en familie ook nodig (SA, 1993:1). Babas is nie in staat om te verbaliseer wat presies gebeur het of waaraan hy of sy blootgestel is tydens die seksuele oortreding nie. Tydens die afwesigheid van deurslaggewende mediese bewyse soos dié van 'n ooggetuie en/of 'n verklaring van die kind, word die kriminele klag dikwels teruggetrek en geskied vervolging dus glad nie.

Die impak van seksuele misbruik op die kind en veral die baba is so traumaties dat daar nie lank gewag kan word om die ondersoek af te handel nie (Spies, 2006:44).

Volgens Louw (2001:5) is dit 'n welbekende feit dat kinders reeds op vroeë ouderdom kan onthou. Dit veronderstel dat die kind in die pre-verbale stadium kan onthou, en dat die trauma van seksuele misbruik op daardie ouderdom nie uitgesluit kan word nie. As gevolg hiervan moet die impak wat seksuele misbruik op die kind in die babajare mag hê, nie afgemaak word as onbelangrik nie. Krisisingryping is dikwels nodig waar die vermeende oortreder so spoedig as moontlik van die baba verwyder moet word. Dit is die maatskaplike werker se verantwoordelikheid om, indien die baba in gevaar is, die baba se veiligheid so spoedig moontlik te verseker (SA, 1993:1). Hierdie taak word hoofsaaklik deur maatskaplike werkers, werksaam by die Departement van Maatskaplike Ontwikkeling en Nie-Regeringsorganisasies, vervul.

Volgens Keuhle (1995:32) het die maatskaplike werker in die ondersoek na beweringe van seksuele misbruik van kinders ten doel om ongekontameneerde inligting te vergader en om as 'n onafhanklike feitevinder op te tree. Die maatskaplike werker moet veronderstel dat daar verskeie hipoteses bestaan en dus moet die tegnieke wat die maatskaplike werker benut wetlik verdedigbaar wees.

Die SAPD forensiese maatskaplike werk model is geskoei op die Omvattende Model of die Kinder Seksuele Misbruik evaluasiemodel (SAPD Forensiese Maatskaplike Werk Handleiding) (SA, 2007:7).

Kernkomponente van die model sluit in:

- kinderonderhoude/-sessies;
- kollaterale onderhoude;
- ondersoek van sekondêre bronne (soos ander professionele verslae), bestudering van rekords deur byvoorbeeld polisie, maatskaplike dienste, vorige onderhoude;
- opsioneel: ouer-kind interaksies; onderhoud met beweerde oortreder.

Uit bogenoemde probleemstelling volg die volgende navorsingsvrae:

-
- Wat is die rol van die forensiese maatskaplike werker in die GKS-eenhede in die Boland in die ondersoek van beweerde seksuele misbruik van babas?
 - Watter aanbevelings kan gemaak word vir forensiese maatskaplike werkers in die GKS-eenhede in die Boland in die ondersoek van beweringe van seksuele misbruik van babas?

3 DOELSTELLING EN DOELWITTE

Die studie word aan die hand van die volgende doelstelling en doelwitte onderneem:

3.1 Doelstelling

Die doelstelling van die studie is om die rol van die forensiese maatskaplike werker in die GKS-eenheid in die ondersoek van seksuele misbruik van babas in die Boland na te vors.

3.2 Doelwitte

- Om die rol van die forensiese maatskaplike werker in die GKS-eenhede in die Boland ten opsigte van die ondersoek na die seksuele misbruik van babas te bepaal.
- Om aanbevelings te maak ten opsigte van die rol van die forensiese maatskaplike werker in die GKS-eenheid in die Boland ten opsigte van die suksesvolle afhandeling van ondersoeke rakende die seksuele misbruik van babas.

4 SENTRALE TEORETIESE STELLING

Die forensiese maatskaplike werker in die GKS-eenhede van die Boland het 'n bydrae te lewer in die ondersoek van sake ten opsigte van die seksuele misbruik van babas.

5 METODE VAN ONDERSOEK

In hierdie ondersoek is daar van literatuurontleding en empiriese navorsing gebruik gemaak.

5.1 Literatuurontleding

Volgens Fouché en Delport (2005:123) is die doel van literatuurontleding om by te dra tot duideliker begrip van die aard en betekenis van die probleem wat geïdentifiseer is. Die bestudering van literatuur is volgens Mouton (2001:87): “a review of the existing scholarships or available body of knowledge, it helps the researcher to see how other scholars have investigated the research problem that he is interested in”. Hierdie kandidaat het literatuur bestudeer rondom babaslagoffers van seksuele oortredings, asook die rol van die forensiese maatskaplike werker. Die volgende het aan die lig gekom:

- Gebrekkige literatuur bestaan oor die baba as slagoffer van seksuele oortredings, in vergelyking met die literatuur rondom kinderslagoffers van seksuele oortredings
- Na aanleiding van die verkragting van Baba Tshepang in 2001 het 'n groot aantal artikels oor baba-verkragtings in populêre tydskrifte en koerante in Suid-Afrika verskyn, maar baie min wetenskaplike artikels is gepubliseer
- Literatuur wat bestudeer is, fokus grotendeels op redes vir babaverkragtings, omstandighede rondom die verkragtings en op die oortreders van hierdie misdade. Die impak hiervan op die baba, sowel as die rol van die forensiese maatskaplike werker in die ondersoek van hierdie gevalle, ontbreek egter.
- Volgens die literatuur wat bestudeer is, bestaan daar algemene konsensus dat die fenomeen verdere studie en ondersoek vereis.

Die kandidaat het nie slegs Suid-Afrikaanse literatuur bestudeer nie, maar het ook gefokus op internasionale studies ten einde akkurate en omvattende inligting te bekom. Die volgende databasisse is geraadpleeg: ERIC, NEXUS, Repertorium van Suid-Afrikaanse tydskrif-artikels, Social Work Abstracts, Social Science Index, Psyclit en Dissertation Abstracts International en Google Scholar.

5.2 Empiriese ondersoek

Die benadering wat tydens die studie gevolg is, is 'n kwalitatiewe benadering. Volgens Babbie en Mouton (2001:53) is die kwalitatiewe navorser meer besorg oor die beskrywing en verstaan as oor die verklaring of voorspelling van menslike gedrag. Volgens Fouché en Delpont (2011:65) verwys die kwalitatiewe benadering na navorsing wat deelnemersverslae van betekenis, ervaring of bewuswording uitlok. Na aanleiding van die voorafgaande was 'n kwalitatiewe benadering dus meer gepas vir wat die kandidaat wou bereik deur hierdie studie. Genoemde eienskappe was ook die basis van hierdie studie deurdat die kandidaat die rol van forensiese maatskaplike werkers in die ondersoek van die seksuele misbruik van baba slagoffers wou navors. Die waarde van die forensiese maatskaplike werker se diens was ondersoek deur middel van 'n indiepte studie, asook deur die voer van onderhoude (Greeff, 2005:286).

5.2.1 Die navorsingsontwerp

Die navorsingsontwerp is die “plan van 'n navorsingsprojek waarvolgens data ingewin word om 'n hipotese te ondersoek of die doel te verwesenlik” (Vaktaalkomitee vir Maatskaplike Werk, 1995:37). Hierdie ondersoek is volgens die verkennende navorsingsontwerp uitgevoer, wat volgens Fouché en De Vos (2005:106), Mitchell en Jolley (2001:3) en Rubin en Babbie (2005:123-124) gebruik word wanneer daar min inligting oor 'n onderwerp bestaan. Die doel van die verkennende navorsingsontwerp, volgens Babbie (2007:67), is om die onderwerp te verken en inligting en feite in te samel. Daar bestaan min navorsing rondom die rol van die forensiese maatskaplike werker in die ondersoek na die seksuele misbruik van die baba. Hierdie seining dat verdere ondersoek rondom die fenomeen nodig is, word deur Ka’Nkosi (2001:15) gesteun deurdat genoem word dat: “baby rapes is a new phenomenon in South Africa and needs to be studied carefully”.

5.2.2 Deelnemers

Die doelgerigte steekproeftrekkingmetode is gebruik, wat volgens Strydom (2005a:202) gebaseer is op die mening van die navorser. Volgens Creswell (2003:178) is doelgerigte steekproeftrekking die doelgerigte selektering van individue vir die studie. Die doel met die doelgerigte steekproeftrekking is dat die

respondente wat geselekteer word, 'n bydrae moet lewer tot die bestudering van die navorsingsvraagstukke. Die ondersoeker het besluit op deelnemers wat beskik oor die elemente of karaktertrekke wat die populasie verteenwoordig.

Die ondersoeker is werksaam in 'n GKS-eenheid van die Boland-area, wat drie streekshoue insluit, naamlik Worcester-streekshof, Ceres-streekshof en Paarl-streekshof. Hierdie streekshoue hanteer seksuele oortredings en dus ook seksuele oortredings teenoor babas. Drie staatsaanklaers wat werksaam is in genoemde area is geselekteer as verteenwoordigend van die regsisteem wat die primêre verwysingsagente is. Een staatsaanklaer wat werk met seksuele oortredings van kinders en babas is per streekshof geselekteer, met 'n totaal van drie staatsaanklaers. Een SAPD forensiese maatskaplike werker per streek is ook ingesluit, met 'n totaal van drie forensiese maatskaplike werkers met ervaring in die hantering van kinders en babas wat seksueel misbruik is.

Die kandidaat het eie oordeel gebruik in die selektering van die deelnemers deurdat hulle ervaring moes hê in die hantering en ondersoek van seksuele misbruik van babas (ouderdomsgroep jonger as drie jaar).

In totaal het die kandidaat dus ses deelnemers betrek met wie gestruktureerde onderhoude gevoer is. Die selektering van die deelnemers is gebaseer op die daaglikse kontak wat die deelnemers met gevalle van beweerde seksuele oortredings het. Die ondersoeker het veronderstel dat die deelnemers konstruktiewe bydraes kon lewer tot die ondersoek.

5.2.3 Meetinstrumente

Data is ingesamel deur die voer van indiepte onderhoude met die deelnemers. In hierdie verband sê Greeff (2005:287) die volgende: "Interviewing is the predominant mode of data or information collection in qualitative research". Die fokus van die onderhoude met die deelnemers was om data te bekom rondom deelnemers se sienings en persepsie van die forensiese maatskaplike werker se rol in die ondersoek van die seksuele misbruik van babas.

'n Semi-gestruktureerde een-tot-een onderhoudstegniek is geïmplementeer (**Bylaag 3**). Volgens Greeff (2005:296) kry die ondersoeker met die semi-gestruktureerde

onderhoud "a set of predetermined questions on an interview schedule, but the interview will be guided by the schedule rather than be dictated by it". Die respondente kon ook aspekte aanraak wat nie in die skedule ingesluit was nie.

Skriftelike toestemming is van die deelnemers bekom om die onderhoude op oudioband op te neem (**Bylaag 2**). Die implementering hiervan het verseker dat die ondersoeker kon fokus op die onderhoudproses en haar volle aandag aan die onderhoud kon gee. Smit *et al.* (Greeff, 2005:298) bevestig ook die voordele wat die gebruik van bandopnemers inhou: "a tape recorder allows a fuller record than notes taken during the interview". Data wat bekom is tydens die onderhoude is volgens temas geklassifiseer.

Die doel van hierdie kwalitatiewe ondersoek was om die mening van die deelnemers na te vors en om sodoende nuwe inligting te bekom oor die rol van forensiese maatskaplike werkers in ondersoeke rakende die seksuele misbruik van babas in die Boland. Greeff (2005:311) noem dat die doel van die analisering van data wat bekom word deur kwalitatiewe studies die identifisering is van neigings en patrone wat voorkom binne 'n enkele fokusgroep. Die temas soos geïdentifiseer in die studie is gebaseer op fokuspunkte wat herhaaldelik tydens die onderhoudvoering deur die respondente opgehaal is.

5.2.4 Navorsingsprosedures

Die volgende prosedures is gevolg tydens die navorsing:

- Toestemming is bekom vanaf die Provinsiale Kommissaris van die Wes- Kaap (SAPD) (**Bylaag 1**).
- Skriftelike toestemming is van die deelnemers verkry om aan die ondersoek deel te neem (**Bylaag 2**).
- Die navorsing is gedoen binne die omgewing van GKS-eenhede in die Boland. Die tyd en plek vir die onderhoude is met die deelnemers gereël met inagnome van die deelnemers se werksomstandighede.
- 'n Voorondersoek is onderneem om die navorser op hoogte te bring van die aard van seksuele misbruik van babas en die rol van die maatskaplike werker

(Strydom, 2003:48). Die skedule is getoets op twee maatskaplike werkers wat nie deel van die hoofondersoek was nie.

5.2.5 Etiese aspekte

Tydens die navorsing is aan die volgende etiese aspekte aandag gegee:

5.2.5.1 Ingeligte toestemming

Akkurate en volledige inligting ten opsigte van die doel van die ondersoek, die prosedures wat tydens die ondersoek gevolg is, die moontlike voordele, nadele en gevare waaraan die deelnemers blootgestel kan word, is aan deelnemers verskaf (Strydom, 2005b:56). Hiervolgens kon deelnemers self besluit of hulle wil deelneem, al dan nie. Al ses deelnemers is ingelig en het ingestem om deelnemers van die studie te wees.

5.2.5.2 Beginsels van vertroulikheid, privaatheid en anonimiteit

Tydens die ondersoek is daar deurgaans by die beginsels van vertroulikheid, privaatheid en anonimiteit gehou. Omdat inligting wat verkry is sensitief van aard is, is dit uiters vertroulik hanteer en geen identifiserende besonderhede op die skedules wat voltooi is, het verskyn nie (Neuman, 1997:453).

5.2.5.3 Etiese goedkeuring

Die navorsing is aan die Etiese Komitee van die Noordwes-Universiteit voorgelê om te bepaal of die ondersoek aan die etiese beginsels voldoen, al dan nie. Die Komitee het die ondersoek goedgekeur. Die Etiese Nommer is: **NWU – 00027-09-S1**.

5.2.6 Dataverwerking

Data is hoofsaaklik kwalitatief ontleed volgens temas en sub-temas (De Vos, 2005:333-338; Creswell, 2003:153-155). Die data is deur die ondersoeker self ontleed onder die supervisie van dr. Roux en prof. Wessels. Die agt stappe van die model van Tesch se benadering (Poggenpoel, 1998:343-344) is vir die insameling van kwalitatiewe data gebruik, wat die volgende insluit:

- ontleding van data;

-
- organisering van data;
 - kodering van die notas gebaseer op waarnemings, onderhoude en dokumentasie-oorsigte;
 - notering van opmerkings en waarnemings in die kantlyn;
 - sortering/organisering van die materiaal en identifisering van ooreenstemmende frases, verhoudings tussen veranderlikes, patrone, temas en die onderskeiding van sub-temas en ooreenstemmende patrone, identifisering van verskille en ooreenstemmende patrone tussen sub- groepe;
 - identifisering en beklemtoning van die patrone en prosesse, ooreenkomste en verskille;
 - inisiëring van die proses van veralgemenings, die maak van afleidings en oorsigtelike samevatting;
 - die ondersoek van die veralgemenings en samevatting op grond van die data, in die vorm van teorie-konstruksie.

6 BETEKENIS VAN DIE ONDERSOEK

Soos reeds genoem, is beskikbare navorsing rondom baba-slagoffers van seksuele misbruik min en gebrekkig. Hierdie studie stel dus nuwe inligting bekend, veral oor die rol van die forensiese maatskaplike werker binne die regsisteem, in die Suid-Afrikaanse konteks met betrekking tot veral die Boland. Deur die uitvoering van die studie is waardevolle inligting bekom oor die rol van die forensiese maatskaplike werker in ondersoeke van beweerde seksuele misbruik van babas in die Boland. Inligting is ook bekom oor die aard en die rol wat die regsisteem van die forensiese maatskaplike werkers vereis. Die bevindinge sal die tipe verwysings vir forensiese maatskaplike werk-intervensies beter omskryf, byvoorbeeld of beweringe van seksuele misbruik van babas deur die forensiese maatskaplike werker ondersoek moet word asook of die forensiese maatskaplike werker verslag aan die hof in sulke gevalle, moet lewer.

7 BEPERKINGS VAN DIE ONDERSOEK

- Die studie fokus op forensiese maatskaplike werkers binne die GKS (SAPD) in die Boland en die verwagtinge van aanklaers wat gebruik maak van die SAPD se forensiese maatskaplike werkers. 'n Moontlike gebrek mag wees dat die resultate verkry net in genoemde konteks van nut kan wees.
- 'n Verdere moontlike beperking is dat resultate van die studie nie van toepassing op privaat forensiese maatskaplike werkers mag wees nie, aangesien forensiese maatskaplike werkers binne 'n spesifieke raamwerk binne die SAPD werk.
- Die ondersoeker moes verder ook vir 'n lang tydperk wag om toestemming van die SAPD te bekom ten einde die maatskaplike werkers in die diens van die organisasie te ondervra en om die studie uit te voer. Hierdie vertraging het sekere finansiële implikasies ingehou vir die ondersoeker en het die spoedige afhandeling van haar studie vertraag.

8 BEGRIPSOMSKRYWINGS

In hierdie navorsingsverslag word begrippe gebruik wat tot verskillende interpretasies aanleiding kan gee. Dit is dus nodig dat sekere begrippe binne die konteks van hierdie navorsing verduidelik word.

8.1 Baba

Volgens die meeste literatuur verwys die term “baba” na 'n kind in die ouderdomsgroep van 0 tot die einde van een jaar. Volgens Piaget se kognitiewe ontwikkelingsmodel, soos beskryf in Müller en Holleley (2009:155-156), sluit die babajare die ouderdomme 0 tot 2 jaar in. Hierdie indeling word gemaak na aanleiding van die kind se kognitiewe vermoëns. Volgens Piaget is die kind in die sensoriese-motoriese stadium omdat sy/haar sintuie begin ontwikkel. Die kind begin taal en gewoontes ontwikkel en begin simbolies te kommunikeer. Op tweejarige ouderdom het die kind sekere, hoewel gebrekkige, verbale vermoëns.

Die kind tussen ouderdom twee en drie jaar vorm ook deel van hierdie studie omdat hierdie ouderdom dikwels oorgesien word. Om hierdie rede is Louw en Louw (2007:92) se definisie van 'n baba vir die doeleindes van die studie gebruik wat die

term baba omskryf as die ouderdomsgroep wat strek vanaf die neonatale fase tot aan die einde van die tweede jaar. Die term “baba” in hierdie ondersoek verwys daarom na kinders vanaf geboorte tot jonger as drie jaar. Hierdie groep is geselekteer omdat daar gebrekkige inligting bestaan oor hierdie groep en oor die rol van die forensiese maatskaplike werker in gevalle waar babas die slagoffers van seksuele misbruik is.

8.2 Forensiese maatskaplike werk

Forensiese maatskaplike werk fokus volgens Barker en Branson (2000:1) op die “interface between society's legal and human systems and is characterized by the social worker's primary function of providing expert testimony in courts of law with the primary client being the judicial system”. Forensiese maatskaplike werk word ook beskryf as:

- nie-terapeuties;
- ingestel op seksuele, emosionele en of fisiese misbruik/mishandeling van kinders of volwassenes;
- gebaseer op wetenskaplike feitegebaseerde getuienis in hoewe waar wetlike tegnieke, protokol en hulpmiddels gebruik is (SA, Departement of Social Development, 2008:1)

Die assessering gedoen deur die forensiese maatskaplike werker hou verband met die psigososiale funksionering van die individu en het ten doel om die regssisteem te help om die aspek te verstaan. Volgens die “Staatsgazette 2008” praktiseer forensiese maatskaplike werkers in kriminele hoewe ten opsigte van kindermisbruik/mishandelingsake sowel as in gevalle waar volwassenes misbruik/mishandel is. In die opsig tree die forensiese maatskaplike werker as deskundige getuie op.

Maatskaplike werkers word in SAPD aangestel met die spesifieke doel om forensiese maatskaplike werk te verrig. Hierdie maatskaplike werkers is geplaas in die GKS-eenhede met die hoofsaaklike doel om die ondersoekbeampte en die regssisteem te assisteer in die ondersoeke van misdade gepleeg teen kinders. Die

SAPD forensiese maatskaplike werk Handleiding omskryf die rol van die forensiese maatskaplike werker soos volg:

- om die kind te assesser volgens gespesialiseerde kennis, vaardighede en tegnieke of metodes;
- om wetenskaplik-baseerde hofverslae te voorsien ten einde die regsproses te assisteer;
- om as 'n deskundige getuie in hof op te tree;
- om met ander professies en organisasies saam te werk om 'n multi-span benadering te verseker; en
- om die profesie te ontwikkel deur die onderneming van navorsing en deelname aan ontwikkelingsessies.

Die rol van die forensiese maatskaplike werker tydens die hofproses en die forensiese maatskaplike werker se deskundigheid word deur verskeie skrywers aangedui. Volgens Roberts en Bronwell (1999:360) is die forensiese maatskaplike werker se fokus op wette en om die gereg in te lig aangaande maatskaplike aspekte. Stutterheim en Weyers (1999:11) verwys na die forensiese maatskaplike werker se primêre funksie om as 'n deskundige getuie in die hof op te tree. Faller (2007:5) beveel verder aan dat die professionele persoon wat forensiese assessering doen, agtergrondsinligting moet vergader en 'n volledige ondersoek van moontlike hipoteses vir seksuele misbruike moet doen.

Forensiese maatskaplike werk is tans nog nie as 'n spesialisveld geregistreer by die Suid-Afrikaanse Raad vir Maatskaplike Diensberoepes nie (Scheepers, 2008:30). Volgens die voorlopige voorlegging vir die registrasie van forensiese maatskaplike werk as 'n gespesialiseerde veld, moet forensiese maatskaplike werkers beskik oor nagraadse kwalifikasies.

Samevattend kan forensiese maatskaplike werk dus omskryf word as 'n diens vir die hof wat behels gespesialiseerde kennis oor maatskaplike aspekte en die lewer van deskundige getuie in die hof. Die aspekte soos uitgelig is inherent deel van die

take van forensiese maatskaplike werkers werksaam in die SAPD en word as sodanig as die definisie vir die studie aanvaar.

8.3 GKS-eenheid (Gesinsgeweld-, Kinderbeskermings- en Seksuele Misbrukeenheid)

Die GKS-eenheid is 'n gespesialiseerde eenheid in die SAPD wat fokus op die ondersoek van alle misdade teen kinders, alle seksuele oortredings teen kinders en volwassenes en gesinsgeweldgevalle. Hierdie eenheid is 'n uitvloeisel van die eertydse Kinderbeskermingseenheid en is in 2004 tot stand gebring. In 2008 is die eenheid dwarsdeur Suid-Afrika herstruktureer. Die ondersoekbeamptes werksaam in die GKS-eenheid ontvang opleiding in die hantering van genoemde tipe sake.

Volgens die SAPD Nasionale Instruksie 3 van 2008 (SA, 2008), moet die ondersoekbeamptes van die GKS-eenheid opleiding in die basiese speurkursus asook die GKS-opleiding, wat handel oor die spesifieke ondersoek van seksuele oortredings en misdade teen kinders, ontvang. Die kerndoelwitte van die GKS-eenhede is volgens die beleidsdokument die volgende:

- die effektiewe voorkoming van GKS-verbandhoudende misdade;
- die effektiewe ondersoek van GKS-verbandhoudende misdade; en
- die effektiewe dienslewering aan die slagoffers van gesinsgeweld, misdade teen kinders en seksuele oortredings (SA, 2011).

8.4 Seksuele misbruik

Seksuele misbruik omvat 'n wye verskeidenheid handelinge. Tydens hierdie studie word daar gefokus op seksuele oortredings soos omskryf in die Wet op Seksuele Oortredings, 32/2007 (SA, 2007). Hoofstuk 3 van hierdie wet fokus op aspekte wat handel oor alle seksuele misdade teen kinders, naamlik:

- verkragting (seksuele penetrasie);
- seksuele aanranding (seksuele skending – nie-penetrasie);
- kinderpornografie;

-
- seksuele aanvoring;
 - blootstelling van kinders aan pornografie en kinderpornografie;
 - die blootstelling van kinders aan seksuele misdrywe;
 - die blootstelling of die vertoon van geslagsorgane, anus of vroulike borste aan kinders.

Die Kinderwet, 38 van 2005 (SA, 2005) omskryf seksuele misbruik van die kind as seksuele molestering/aanranding van die kind en/of die toelating dat die kind seksueel molesteer of aangerand word. Die Children's Act, 38 van 2005 (SA, 2005) beskryf ook die volgende aktiwiteite wat as seksuele misbruik van kinders bestempel kan word:

- die aanmoediging, toelating of forsering om 'n kind vir seksuele bevrediging te gebruik;
- die gebruik van die kind of blootstelling van 'n kind aan seksuele aktiwiteite of pornografie; en
- kommersiële seksuele uitbuiting van die kind of die deelname of instaatstelling van die kind in kommersiële seksuele uitbuiting.

Strachan *et al.* (2003:253) ondersteun bogenoemde wanneer daarna verwys word dat seksuele misbruik 'n verskeidenheid aktiwiteite insluit. Die studie fokus dus nie net op verkragting nie, maar op die totale omskrywing van die seksuele misbruik van kinders.

9 BESPREKING VAN DIE NAVORSINGSRESULTATE

9.1 PROFIEL VAN RESPONDENTE

'n Profiel van die deelnemers/respondente word voorts saamgestel ten einde 'n geheelbeeld te bekom van al die deelnemers.

9.1.1 Posbeskrywings

Drie van die deelnemers is staatsaanklaers en drie (50%) forensiese maatskaplike werkers. Al ses die respondente is werksaam in die Bolandareas: Ceres, Worcester en Paarl.

Op 'n vraag na wat hul posbeskrywings behels, is die volgende antwoorde verkry:

9.1.1.1 Staatsaanklaers

- Hulle is verantwoordelik vir publieke vervolgings, dus vervolging van misdadigers.
- Hulle hanteer gevorderde sake soos byvoorbeeld moord en verkragting.
- Hulle fokus op die voorlegging van sake voor die hof en voorsien leiding aan die ondersoekbeampte ten einde sake suksesvol te vervolg

Die beskrywings van respondente ten opsigte van hul poste stem ooreen met Müller en Hollely (2009:04) wat noem dat die aanklaer alle relevante bewyse voor die hof moet bring ten einde toe te sien dat regverdigheid geskied. Müller en Hollely (2009:04) gaan verder deur daarop te wys dat “the prosecution must prove their case beyond a reasonable doubt”.

Die rol en posvervulling van die staatsaanklaers gaan dus dieselfde bly, selfs in die geval van babaslagoffers van seksuele misbruik. Die voorlegging van sake waar babas die slagoffers is, sal die bewyslas van die aanklaer swaarder maak. Die rede hiervoor is dat babas nie verbale getuienis kan lewer nie. Carstens (2006:187) stem hiermee saam deurdat sy meld: “Child sexual abuse is not easy to prosecute ... as sexual abuse principally occurs in privacy, away from potential witnesses”. Die ondersoeker is daarom van mening dat dit moeilik is om persone wat hulle skuldig maak aan die seksuele misbruik van kinders en babas te vervolg. Die hantering van sake waar die verbale vermoëns van die baba beperk is, bied nog meer uitdagings. Die aanklaer het dus verdere bewyse nodig ten einde die sake van die seksuele misbruik van babas effektief voor die hof te bring.

9.1.1.2 Forensiese maatskaplike werkers

Forensiese maatskaplike werkers in hierdie ondersoek beskryf hul pos soos volg:

- om die kind wat beweerdelik 'n slagoffer van seksuele oortredings is te assesseer om uiteindelik sodoende feite vanaf die kind te bekom vir voorlegging aan die hof;
- om hulp te verleen aan die ondersoekbeampte met die afneem van die kind se verklaring;
- om die forensiese assessering van slagoffers uit te voer, verslae aan die hof te verskaf en as 'n deskundige getuie op te tree.

Die response van die maatskaplike werkers rondom hul beroep en wat dit behels stem in 'n groot mate ooreen met die algemeen aanvaarbare definisie van forensiese maatskaplike werk. Al drie die maatskaplike werkers maak daarvan melding dat hul 'n diens aan die regsisteem, dus die hof, verskaf. O'Brien en Sullivan (1990:341) omskryf forensiese maatskaplike werk as: "pertaining to court and legal proceedings". Weyers (2001) stem hiermee saam deur daarna te verwys as "a specialised field of social work practice that is characterised by the social worker's primary function of providing expert testimony in courts of law". Forensiese maatskaplike werk word omskryf as "a specialised field of social work that focuses on the interface between society's legal and human systems and is characterized by the social worker's primary function of providing expert testimonies in courts of law with the primary client being the judiciary system" (Department of Social Development, 2008:1).

Die GKS-beleidsdokument (FCS Draft Policy Document 2010:14; SA, 2010) dui aan dat wanneer sake na die forensiese maatskaplike werkers verwys moet word mag SAPD forensiese maatskaplike werkers slegs betrokke raak by sake indien:

- 'n kriminele saak geresisteer is
- op versoek van die Departement Justisie en SAPD ondersoekbeamptes

- take van die forensiese maatskaplike werker behels assessering, die verskaffing van hofverslae en vertolking van 'n deskundige getuie (geen terapie word gelewer deur forensiese maatskaplike werker)
- deel vorm van 'n span wat fokus op prioriteit misdade teen vroue en kinders
- geen betrokkenheid by private assesserings en egskeidingsake nie (SA, 2010).

Op grond hiervan is die ondersoeker van mening dat maatskaplike werkers wat forensiese maatskaplike assessering in SAPD-konteks doen se take ooreenstem met wat as 'n reël beskou word as die aanvaarbare rol en take van forensiese maatskaplike werkers.

9.1.2 Werkservaring

Op 'n vraag aan die respondente oor hoeveel jaar werkservaring hulle het, is die volgende inligting ontvang:

TABEL 1: WERKSERVARING VAN RESPONDENTE

Aantal jare	f	%
5-9 jaar	1	16,67
10-14 jaar	3	50,00
15-20 jaar	2	33,33
N	6	100

Die meerderheid respondente (vyf) soos afgelei uit die bogenoemde tabel, het tussen 10 en 20 jaar ondervinding in hul onderskeie professies as staatsaanklaers en maatskaplike werkers. Al drie die maatskaplike werk-respondente wat forensiese maatskaplike werk beoefen, het vyf jaar ervaring op die terrein van forensiese maatskaplike werk omdat al die respondente sedert 2007 in die SAPD as forensiese maatskaplike werkers aangestel is. Die drie staatsaanklaers het etlike jare ondervinding in die hantering van sake van seksuele misbruik van kinders voor die hof.

Vanuit hierdie gegewens is dit duidelik dat al die respondente dus oor ervaring beskik van die seksuele misbruik van kinders en is daarom in die posisie om 'n bydrae te lewer oor die rol van die forensiese maatskaplike werker in die ondersoek na die seksuele misbruik van babas.

9.2 SEKSUELE MISBRUIK VAN BABAS

9.2.1 Mening aangaande seksuele misbruik van 'n baba

'n Vraag is aan die respondente gevra oor wat hulle mening is ten opsigte van die seksuele misbruik van babas. Die volgende antwoorde is van die respondente ontvang:

- “Seksuele misbruik van babas is 'n onding en gruwel”.
- “Seksuele misbruik van babas moet nie geduld word nie”.
- “Seksuele misbruik van babas is die grootste euwel in die gemeenskap tans”.
- “Slagoffers van seksuele misbruik word al jonger en hulpbronne is te min om die probleem aan te spreek”.
- “Seksuele misbruik van babas is ondenkbaar en afgryslik”
- “Wanneer babas seksueel misbruik word, word die weerloses in die gemeenskap geteiken”.

Al die respondente het hulself sterk uitgespreek teen die seksuele misbruik van babas en handhaaf die siening dat dit aangespreek moet word. Thomas (2007:1) noem dat die seksuele misbruik van babas te moeilik is om uit te druk, te analiseer of te verstaan, daarom lei dit tot skokkende koerantopskrifte elke keer as 'n baba seksueel misbruik word. Marchetti-Mercer (2003:6) meld dat die seksuele misbruik van babas diep emosionele reaksie veroorsaak, wat die negatiewe gevoelens wat die seksuele misbruik van babas ontlok, beklemtoon. Posel (2005:248) gee uiting aan die negatiewe teenoor seksuele oortredings teen babas wanneer hy meld: “the call for moral regeneration galvanized by baby rape, now encompassed the blurring of ... right and wrong across the board ...”. Pitcher en Bowley (2000:274) se

opmerking dat baba-verkragting brutaal is, en dat dit blyk dat die voorkoms daarvan toeneem in Suid-Afrika, som die respondente se reaksie op.

9.2.2 Beleid aangaande beweringe van seksuele misbruik van babas

Volgens die respondente is die beleid van hulle onderskeie organisasies aangaande die seksuele misbruik van babas die volgende:

9.2.3 Die SAPD beleid

Volgens die respondente word daar ten opsigte van genoemde misdaad dieselfde prosedures gevolg as by alle ander seksuele misdade. Die seksuele misbruik van kinders en babas word as hoë prioriteit misdade beskou. Alle aangemelde sake moet ondersoek word. Volgens respondente moet mediese ondersoeke gedoen word, verklarings van betrokkenes bekom word en bewyse vergader word ten einde die saak en ondersoek so spoedig moontlik te finaliseer, sodat dit voor die hof gebring kan word.

Bogenoemde kom ooreen met die prosedures soos uiteengesit in die 'SAPS National Instruction 3 van 2008 (SA, 2008) wat fokus op die stappe wat geneem word in die geval van seksuele oortredings. Die instruksie bied 'n oorsig oor die SAPD se verantwoordelikheid vandat die seksuele oortreding aangemeld word, die ondersoek daarvan, asook die hantering van slagoffers en oortreders. Die genoemde instruksie tref nie onderskeid tussen die hantering van sake waar babas en waar kinders die slagoffers is. In hierdie dokument word riglyne gegee ten opsigte van hoe kinder slagoffers hanteer moet word en verklarings vanaf die kind bekom moet word.

9.2.3.1 Die Departement Justisie se beleid

Volgens die respondente geld die volgende:

- die bewyslas van 'n aangeklaagde se skuld lê by die Staat;
- dieselfde prosedures of stappe word gevolg as by ander sake wat voor die hof gebring word;

-
- seksuele misbruik is 'n bylae ses misdryf en word beskou as 'n ernstige misdaad.

Volgens Venter (2009) is die staatsaanklaer verantwoordelik daarvoor om die kriminele saak voor die hof te bring of voor te dra namens die staat. Die aanklaer bestudeer die polisdossier, gee riglyne aan die ondersoekbeampte en moet bewyse voor die hof bring om te staaf dat die beskuldigde wel die misdaad gepleeg het.

Misdade teen kinders word hoofsaaklik by die SAPD rapporteer, waar 'n dossier geopen word wat verder deur die SAPD ondersoek moet word. In terme van artikel 54 van die Wet op Seksuele Oortredings 32 van 2007 (SA, 2007) het almal die verantwoordelikheid om vermoedens van seksuele misbruik van kinders te rapporteer en die versuim daarvan is 'n oortreding. In hierdie verband beklemtoon Taylor en Thomas (2010:5) die belangrikheid van publieke bewusmaking van seksuele misbruik van babas ten einde die voorkoms daarvan te verminder. Oorkoepelende wetgewing wat 'n rol speel in die voorkoming en die hantering van die seksuele misbruik van kinders sluit in die Grondwet, Wet op Seksuele Oortreding 32/2007, Children's Act, 38/2005 en verskeie internasionale konvensies.

Waterhouse (2008:02) maak daarvan melding dat die herstrukturering van die GKS-eenhede van die SAPD 'n bydrae mag lewer tot die verbetering van die kwaliteit van dienste aan kinders in alle areas. Dit is die mening van die ondersoeker dat die vestiging van die GKS-eenhede in landelike gebiede van die Boland dus wel 'n rol speel om die ondersoek van seksuele oortredings en beweringe van seksuele misbruik van babas te bespoedig.

Die belangrikheid van 'n beleid rondom die seksuele misbruik van kinders moet aangespreek word. Alhoewel baie sake van seksuele misbruik by die SAPD rapporteer word en na die hof verwys word vir vervolging, word sake steeds dikwels teruggetrek (Waterhouse 2008:21). Waterhouse wys verder daarop dat die beperkte aantal skuldigbevindings daartoe aanleiding gee dat 'n groot aantal kinderslagoffers nie die nodige geregtigheid ontvang omdat die sake nie vervolgd word nie. Volgens Meier (2002:534), word die probleem deur die Suid-Afrikaanse regering erken en word pogings aangewend om die vervolging van sake te verbeter,

maar dit word bemoeilik omdat daar 'n agterstand van een tot twee jaar is. Die totstandkoming van Thuthuzela Sentrums regoor Suid-Afrika vanaf 2002 is een poging waardeur die probleem aangespreek is. Hierdie projek word gelei deur die Seksuele Oortredings en Gemeenskapsake-Eenheid van die Nasionale Vervolgings Gesag en is in vennootskap met verskeie staatsdepartemente. Die projek is geïnisieer as reaksie op die behoefte aan 'n geïntegreerde strategie om seksuele oortredings te voorkom, te hanteer en om ondersteuning aan slagoffers te bied. Thuthuzela-Care Sentrums in Worcester is een-stop fasiliteite wat dienste aan slagoffers van seksuele oortredings bied (SA, 2012:1). Die Thuthuzela Sentrums word gefasiliteer deur 'n interdepartementele span wat bestaan uit die departemente van Justisie, Maatskaplike ontwikkeling, Onderwys, SAPD en Gesondheid. Die doel van die sentrums is onder andere:

- die vermindering van sekondêre viktimisasie;
- verbetering van die aantal skuldigbevindings;
- en die vermindering van die tydsduur om sake te finaliseer.

Daar bestaan tans 52 sentrums regoor Suid-Afrika. In die Boland area is daar slegs een Thuthuzela Sentrum naamlik die Worcester Thuthuzela sentrum wat in 2010 tot stand gebring is. 'n Protokoldokument is in April 2012 deur die rolspelers onderteken. Die oogmerk van die protokol is om effektiewe en koördineerde dienslewering aan die slagoffers te verseker; rolspelers te verbind tot hul verantwoordelikhede; funksies en kern take en om vertroue in die regsstelsel en diensverskaffers te verbeter (SA, 2012). Volgens Jewkes en Abrahams (2002:1232) moet daar ondersoek ingestel word na die regsstelsel en die polisie, omdat hierdie instellings die mees sigbare rol in gevalle van verkragtings speel. Marchetti-Mercer (2003:11) beklemtoon dat aksies die verbetering van die regsstelsel moet insluit sodat voldoende straf toegepas word as afskrikmiddel vir die verkrachter. Die totstandkoming van die Thuthuzela Sentrums is dus een manier waarop gepoog word om beperkte skuldigbevindings te verbeter.

Alhoewel daar 'n beleid is vir die hantering van ondersoeke van seksuele oortredings, blyk daar geen spesifieke maatreëls of prosedures te wees vir wanneer

babas die slagoffers is nie. Die respondente noem dat dieselfde prosedures soos met alle ander sake gevolg word.

9.2.4 Aantal gevalle van seksuele misbruik van babas hanteer

Die ondersoeker het gepoog om vas te stel hoeveel van die respondente direk betrokke was by gevalle waar babas slagoffers van seksuele misbruik was. Vyf van die respondente was betrokke by sake waar babas van nul tot twee jaar die slagoffers was en een respondent was betrokke by 'n kind van drie jaar oud.

TABEL 2: OUDERDOM VAN SLAGOFFERS

Ouderdomme in jare	f	%
0-1 jaar	1	16,67
1-2 jaar	2	33,33
2 -3 jaar	2	33,33
3 jaar	1	16,67
N	6	100

Al ses respondente was betrokke by gevalle waar die slagoffers drie jaar en jonger was. Een van die respondente het gemeld dat seksuele misbruik van babas in die ouderdomsgroep twee tot drie jaar dikwels aangemeld word.

Vanuit bogenoemde data blyk dit dat die voorkoms van seksuele misbruik van babas nie ongewoon is nie, omdat al die respondente in hul werk as staatsaanklaers en forensiese maatskaplike werkers betrokke was by die hantering van sake van hierdie aard. Dit blyk ook dat die meeste babas wat seksueel misbruik word in die ouderdomsgroep een tot drie jaar is. Die minderheid gevalle is in die nul tot een jaar ouderdomsgroep.

Meier (2002:532) meld dat seksuele geweld teen kinders, asook babas, met 400% toegeneem het gedurende 1990 tot 2000. Die toenemende voorkoms van baba-slagoffers word deur Pitcher en Bowley (2002:274) beklemtoon wanneer hulle verwys na 'n studie in Kaapstad oor 'n periode van nege jaar waar die verkragtings van 10 kinders onder die ouderdom van een jaar beskryf word. Die toename in die

voorkoms van kinder- asook baba-slagoffers van seksuele geweld noodsaak maatreëls vir die hantering van hierdie tipe sake.

9.2.5 Aard en uitkomst van die sake waar babas die slagoffers is

9.2.5.1 Aard van aanmeldings

Die vraag is gestel rondom die aard van sake waarby die respondente betrokke was. Die volgende response is gegee:

- Die sake is aangemeld omdat die versorger van die baba vermoed het dat die baba seksueel misbruik word.
- Die sake is aangemeld omdat daar 'n ooggetuie was wat iets gesien het wat die vermoede van seksuele misbruik laat ontstaan het.
- Sake is aangemeld omdat daar mediese indikatore was dat die kind moontlik seksueel misbruik was.

Bogenoemde inligting stem ooreen met Hewitt (1999:16), wat meld dat die seksuele misbruik van babas slegs gerapporteer word in omstandighede soos:

- wanneer die oortreder 'n bekentenis doen;
- daar 'n ooggetuie is;
- wanneer sperm teenwoordig is;
- wanneer 'n seksueel oordraagbare siekte of 'n mediese besering by die kind gediagnoseer word.

Pitcher en Bowley (2000:274) noem in die verband "...victims of infant rape cannot give verbal testimony or be cross-examined, convictions depend on a clear chain of medical and forensic evidence...". Vanuit bogenoemde blyk dit dat forensiese inligting van groter belang is, juis as gevolg van die slagoffer se onvermoë om haar/sy weergawe van gebeure te gee.

9.2.5.2 Uitkomst van sake

Volgens die respondente se antwoorde was daar in slegs 30% van die aanmeldings skuldigbevindings en was die sake suksesvol vervolgt as gevolg van deurslaggewende mediese bewyse en ooggetuies.

In 70% van die gevalle is die aanmeldings teruggetrek. Die terugtrek van sulke sake was as gevolg van die kind se onvermoë om te vertel wat gebeur het en daar dus nie genoegsame getuienis verkry kon word vir skuldigbevinding nie. Hierdie tendens word deur navorsing gestaaf, hoewel daar nie onderskeid getref word tussen 'n kind en 'n baba nie. Carstens (2006:200) noem dat seksuele oortredings teenoor kinders moeilik is om wetlik te vervolgt. Volgens Collings (2007:15) is die rede vir die hoë aantal sake wat teruggetrek word, asook die min vervolgings, dat familieledes nie kans sien om voort te gaan met die aanmeld van hierdie sake nie. Volgens die respondente word die volgende struikelblokke ervaar in die suksesvolle vervolging van sake waar babas die slagoffers is:

- die sake word nie onmiddellik aangemeld nie en sodoende gaan belangrike bewyse verlore;
- die gebrek aan opgeleide persone om die ondersoek effektief te loods by die SAPD en ondersoekbeamptes;
- die gebrekkige kommunikasie- en taalvermoëns van slagoffers;
- ondersoekbeamptes van SAPD doen nie 'n deeglike ondersoek nie;
- kollaterale bronne word nie opgevolg om meer inligting van omstandighede rondom gebeure te bekom nie;
- indien die kind nie kan praat nie, word die ondersoek dikwels as afgehandel beskou;
- te veel klem word op mediese bewyse gelê terwyl ander kollaterale bydraes verwerp word;
- vermoede dat seksuele misbruik plaasgevind het en daar selfs 'n ooggetuie was, is nie genoegsaam vir suksesvolle vervolging nie.

Literatuur bevestig die lae voorkoms van skuldigbevindings van seksuele oortredings teen babas en kleuters. Richter (2003:395) meld in dié verband dat in 'n periode van nege maande, gedurende 2001, 19 281 gevalle van kinderverkragtings aangemeld is by die SAPD, slegs 9 450 gevalle (dus 49%) na die hof verwys is en dat daar slegs 2 894 (dus 10%) skuldigbevindings was.

Volgens Richter (2003:298) het die polisie- en die regsisteme leemtes ten opsigte van die ondersoek en vervolging van gevalle van die seksuele misbruik van kinders. Die toename van die verkragting van babas en jong kinders word deur Ellis (2003:59) beklemtoon en verwys hy daarna dat hierdie slagoffers tydens die ondersoek en die hof proses gefaal word. Volgens Oatway (2002:2) sal die spoedige vervolgings help om misdrywe teen kinders te voorkom.

Ewing (2003), soos aangehaal in Richter (2003:298) identifiseer die volgende struikelblokke in die suksesvolle vervolging van sake ten opsigte van die seksuele misbruik van kinders:

- intimidasie van slagoffers deur familieledede en die gemeenskap;
- omkoop van versorgers en polisieledede;
- vertragingstaktiek deur die prokureur van die verdediging;
- die onvermoë van die jong verkragtingslagoffer om getuienis te lewer en om kruisondervra te word;
- swak polisie- en mediese werk in die kollektering van biologiese bewyse; en
- die gebrek aan ondersoek- en ondersteunende dienste.

Uit bogenoemde blyk dit dus dat dit algemeen aanvaar word dat die suksesvolle vervolging van die seksuele misbruik van kinders en babas veral moeilik is en dat daar vele struikelblokke in die weg daarvan staan. Cox *et al.* (2007:953) verwys na verdere struikelblokke wat in die pad van suksesvolle vervolging staan, naamlik viktimisasie, intimidasie, omkopery en die gebrek aan deurslaggewende bewyse. Volgens Zaal (Burman, 2003:175) is dit noodsaaklik dat alle persone betrokke by sake rakende kinders tydens hofverrigtinge kennis moet dra van die

ontwikkelingstadium van die kind, die taalontwikkeling van die kind, asook aspekte rakende die gedrag van kinders. “Whilst the achievement of a child-appropriate court environment and child-friendly procedures are undoubtedly important objectives, it is also equally necessary that court adjudicators be able to hear, understand and give due weight to exactly what children in court are trying to say. Where adjudicators lack such capabilities, a child friendly environment will be of little use” (Zaal in Burman, 2003:1). Daar is die afgelope paar jaar volgens die Strafproseswet (SA, 1977) verskeie maatreëls in-gestel om die kriminele hof kindervriendelik te maak, byvoorbeeld deur die gebruik van ‘n tussenganger en die gebruik van in camera toestelle waarvolgens die kind nie direk met die beskuldigde of die intimiderende hof atmosfeer in kontak kom nie. Genoemde maatreëls verminder geestesspanning en angs by die kind en maak dit moontlik vir die kind om van die intieme detail van die beweerde seksuele oortreding te getuig. Volgens Louw (2001:4) word die kind as bevoeg beskou om te getuig wanneer die kind “oor die nodige kognitiewe vaardighede beskik om ‘n gebeurtenis te kan waarneem en dit te kan registreer, oor die nodige geheuevaardighede beskik om hierdie gebeurtenis te onthou, en om gebeure effektief en onafhanklik te kommunikeer”. Die baba-slagoffer voldoen nie aan hierdie kriterium nie en sal daarom nie as getuie kan optree nie. Die rolle van die SAPD en Departement van Justisie tydens die ondersoek en voorlegging van hierdie tipe sake is daarom belangrik.

10 DIE ROL VAN DIE FORENSIESE MAATSKAPLIKE WERKER

In hierdie ondersoek was dit een van die doelwitte om die rol van die forensiese maatskaplike werker by rolspelers in die Boland te bepaal. Die respondente is die geleentheid gebied om hulle siening aangaande hierdie saak tydens onderhoudvoering met die ondersoeker te lig.

10.1 Betrokkenheid van forensiese maatskaplike werk

Respondente is gevra of baba-slagoffers van seksuele oortredings na forensiese maatskaplike werkers verwys moet word en het soos volg gereageer:

TABEL 3: BETROKKENHEID VAN FORENSIESE MAATSKAPLIKE WERKERSERS TYDENS SEKSUELE MISBRUIK VAN BABAS

Moet sake na forensiese maatskaplike werkers verwys word?	f	%
Ja	3	50,00
Ja, met voorwaardes	2	33,33
Nee	1	16,67
N	6	100

Drie van die respondente was van mening dat gevalle waar babas die slagoffers van seksuele misbruik was, wel na forensiese maatskaplike werkers verwys moet word vir evaluering. Redes vir hierdie mening sluit aspekte in soos dat die forensiese maatskaplike werker in staat is om volledige feite te versamel, op meer aspekte te let as die polisie en dat die forensiese maatskaplike werker vanweë sy of haar uitgebreide kennis, nuwe inligting aan die hof kan verskaf. Die respondente verwys ook na die rol wat die forensiese maatskaplike werker in kollaterale ondersoeke kan speel. Twee van die respondente was van mening dat die gevalle na forensiese maatskaplike werkers verwys moet word, op voorwaarde dat hulle oor genoegsame kennis en vaardighede moet beskik. Een van die respondente was van mening dat die sake nie na forensiese maatskaplike werkers verwys moet word nie omdat daar onduidelikheid bestaan oor die rol en funksie van die forensiese maatskaplike werker. Hierdie respondent noem die volgende: *‘ek het nie inligting van die vaardighede waaroor forensiese maatskaplike werkers beskik, weet nie mooi wat hulle kan doen. Ek verwys daarom weinig sake na forensiese maatskaplike werkers.’*

Fouché (2006:231-238) het ‘n raamwerk of werkprotokol aangebied waarbinne die assesseringsproses van die professionele persoon in die ondersoek van seksuele misbruik van kinders moet plaasvind. Aspekte wat deur die respondente uitgelig is, word ook in die genoemde werkprotokol geïdentifiseer:

- assesseringsonderhoude met die kind;

-
- die formulering en toetsing van hipoteses;
 - sessies met ouers of versorgers en ander betekenisvolle sisteme ten einde agtergrondsinsigting te bekom;
 - kollaterale onderhoude;
 - evaluering van insigting wat bekom is;
 - literatuur kontrole, besluitneming asook die formulering van 'n mening en 'n aanbeveling.

Roos en Voster (2003:2) sluit hierby aan deur te noem dat die professionele deskundige die assessering op 'n gebalanseerde wyse moet hanteer, informasie moet analiseer, hipoteses moet vorm en dit moet toets teen beskikbare feite. Die einddoel is om 'n omvattende en sistematiese verslag vir die hof saam te stel. Ten einde bogenoemde take uit te voer, is dit duidelik dat 'n deskundige getuie oor uitgebreide kennis moet beskik. Black (1979:519) beskryf 'n deskundige as 'n persoon wat kennis van 'n spesialisveld het. Volgens die Strafproseswet 51 van 1977 (SA, 1977) is die doel van die deskundige getuie om die hof behulpsaam te wees en word 'n persoon as 'n deskundige aanvaar op grond van kwalifikasie, ondervinding en gespesialiseerde kennis. Schmidt (1993:333) sluit hierby aan deur te verwys na drie vereistes wat noodsaaklik is vir 'n deskundige getuie, naamlik bevoegdheid in terme van kennis, toepaslike kwalifikasies en die oortuiging van die hof dat die getuie oor die vermoë beskik om die hof toe te spreek oor die betrokke onderwerp. In terme van forensiese maatskaplike werk in die SAPD-konteks behoort die forensiese maatskaplike werker oor kennis te beskik rondom die seksuele misbruik van kinders, kinderontwikkeling en tegnieke om insigting te bekom.

Daar bestaan veral onduidelikheid oor die verskil tussen die rol van die kliniese maatskaplike werker (terapeut) en die rol van die forensiese maatskaplike werker. Kuehnle (1995:32) gee 'n duidelike uiteensetting van die verskil tussen die rol van die terapeut en die forensiese maatskaplike evalueerder, wat die volgende insluit:

-
- **Die kliënt** van die terapeut is die kind en sy of haar versorgers, terwyl die kliënt van die forensiese evalueerder die regstelsel is.
 - **Die doel** van terapie is om die kind se psigologiese funksionering te verstaan en tydens 'n forensiese evaluering is dit om ongekontameneerde data te versamel.
 - **Die rol** van die terapeutiese evalueerder is dié van advokaat vir die kind terwyl die forensiese evalueerder feite versamel.
 - **Die aannames** van terapie is dat inligting verkry van die kind die waarheid is, terwyl verskeie hipoteses aangaande die kind se inligting tydens forensiese evaluasie bestaan.
 - **Tegnieke** by terapeutiese evaluering is gerig op die voorsiening van terapie en by forensiese evaluering is dit om feite te verskaf wat in die hof verdedig kan word.

Onduidelikheid oor die rol en funksie van die forensiese maatskaplike werker kan toegeskryf word aan die feit dat forensiese maatskaplike werk nog nie as 'n spesialiteitsveld erken en omskryf is deur die Suid-Afrikaanse Raad van Maatskaplike Werk en Hulpprofessies (SACSSP) nie. Scheepers (2008:4) beklemtoon dat forensiese maatskaplike werk as 'n spesialiteitsveld erken en ontwikkel moet word en bevestig dat regulering die profesie sal bevorder. Gesien in die lig van die voorafgaande is die registrasie van forensiese maatskaplike werk as spesialiteitsveld noodsaaklik, aangesien dit ook die verwysings na forensiese maatskaplike werk in die ondersoek van die seksuele misbruik van babas mag reguleer.

10.2 Rol/Vaardighede van die forensiese maatskaplike werker in terme van die seksuele misbruik van babas

Die respondente gee die volgende antwoorde ten opsigte van die rol wat forensiese maatskaplike werkers in die ondersoek van seksuele misbruik van babas kan speel:

10.2.1 Forensiese maatskaplike werkers is “fact-finders”

Die forensiese maatskaplike werker is volgens vyf van die respondente ‘n “fact-finder” en moet daarom inligting aan die hof deurgee wat hofprosedures kan bespoedig (Spies & Carstens, 2005:40-41). Een respondent meld dat die forensiese maatskaplike werker “...daar is om inligting van die kind te bekom en van kollaterale bronne en die feite deurgee aan die hof”. Hierdie siening kom ooreen met literatuur wat die objektiwiteit en die neutraliteit van die forensiese maatskaplike werker beklemtoon. Volgens Fouché (2006:207) moet die professionele persoon wat forensiese assesserings doen, onafhanklik, onpartydig en neutraal wees. Die professionele persoon, dus ook die forensiese maatskaplike werker, se rol is nie om een party te steun nie, maar om objektiewe inligting, gebaseer op feite te versamel (Fouché 2006:208). In die voorsiening van feite en objektiewe inligting aan die hof, kan die forensiese maatskaplike werker die hof bystaan in die besluitnemingsproses. Scheepers (2008:20) vat die rol van die forensiese maatskaplike werker as “fact-finder” (ontdekker van feite) as volg saam: “die forensiese maatskaplike werker moet sy/haar assesseringsproses verdedig in terme van navorsing en bestaande literatuur ... en die feite waarop sy/haar opinie berus moet voldoen aan kriteria, soos vervat in die wet ... hoorsê-inligting is nie ‘n grondige basis vir ‘n deskundige getuie nie ...”.

10.2.2 Die forensiese maatskaplike werker doen volledige agtergrondstudie

Die respondente beskou die forensiese maatskaplike werker as ‘n persoon wat ‘n volledige agtergrondstudie kan doen en gesinsdinamika evalueer en interpreteer, veral waar daar vermoed word dat die seksuele misbruik binne die familie plaasvind. Hierdie siening word weerspieël in die volgende responses:

- *“die forensiese maatskaplike werker help met die agtergrond ondersoek”;*
- *“maatskaplike werkers verstaan die gesin en hoe hulle funksioneer”;*
- *“die forensiese maatskaplike werkers is analities en hulle kan vir die hof background van die kind en die gesin en omgewing gee”*

-
- *“die forensiese maatskaplike werker voer onderhoude met die gesin, die ouers en kleuterskool onderwysers;*
 - *“hulle verstaan familie interaksies”.*

Fouché (2006:234) dui ook aan dat inligting vanaf ander bronne ingesamel moet word nadat die assesserings-onderhoude met die kind plaasgevind het. In terme van die baba-slagoffer, wat verbaal nie by magte is om die misbruik te verwoord nie, sal assesserings-onderhoude nie moontlik wees nie. Die rol wat die forensiese maatskaplike werker kan speel in die verkryging van agtergronds-inligting word daarom nog meer belangrik. Forensiese maatskaplike werkers moet oor kennis beskik ten opsigte van die funksionering van die baba, die gesin en die gemeenskap. Hierdie maatskaplike werkers mag gevra word om onderhoudsinligting te bestudeer asook om 'n mening te gee wat op wetenskaplike feite gebaseer is. Die definisie van Roberts en Bronwell (1999:360) stem hiermee saam wanneer verwys word na die forensiese maatskaplike werker wat die gereg (dus die hof) moet opvoed oor funksioneringsaspekte van die individu. Volgens Barker (1995:362) moet die deskundige kennis van 'n spesifieke probleem hê en moet die persoon se vaardighede hoogs ontwikkel wees. Die seksuele misbruik van 'n baba is in die breë 'n aanduiding van die wanfunksionering van een of meer sisteme. Die wanfunksionering mag byvoorbeeld by die individu, gesin of gemeenskap voorkom. In dié opsig moet die forensiese maatskaplike werker as 'n deskundige oor kennis beskik van die funksionering van sisteme of tendense in gevalle van kinder misbruik.

Spies (2006:234) verwys na die volgende aspekte wat van belang is tydens agtergrondstudie:

- lewens- en geskiedenisraamwerke met betrekking tot die familie en geskiedenis van die slagoffer;
- die status van die kind met verwysing na sy/haar ontwikkelingsgeskiedenis;
- ontwikkelings-agterstande indien enige en

-
- enige ander omstandighede wat die ontdekking of die onthulling van seksuele misbruik voorafgegaan het.

10.2.3 Die forensiese maatskaplike werker kan 'n verwysingsrol vertolk

Vyf van die respondente het opgemerk dat die forensiese maatskaplike werker ook 'n rol het om die kind te beveilig. Een respondent noem ook dat die forensiese maatskaplike werker “*tydens haar ondersoek mag bewus word dat die kind nie reg versorg word en kan die geval verwys word na eksterne maatskaplike werkers vir 'n kinderhofondersoek*”. Hierdie siening sluit aan by Artikel 7 van die Children's Act, 38 van 2005 (SA, 2005) wat handel oor die belang van die kind. Die artikel identifiseer kriteria wat nie noodwendig op die kriminele proses van toepassing is nie. Indien die forensiese maatskaplike werker dus betrokke was by die ondersoek van seksuele misbruik van 'n baba en aspekte identifiseer wat daarop dui dat die baba se veiligheid asook normale groei en ontwikkeling nie op standaard is nie, mag die forensiese maatskaplike werker 'n aanbeveling aan die hof maak dat die geval verwys word vir kinderhof ondersoeke ingevolge Artikel 155 van die Kinderwet 38 van 2005 (SA, 2005).

10.2.4 Die forensiese maatskaplike werker speel 'n rol waar die slagoffer verbaal onbevoeg is

Hierdie siening van die respondente hou verband met die mening dat die forensiese maatskaplike werker ten alle tye in die belang van die kind moet optree. Die baba se gebrek aan verbale vaardigheid onthef die forensiese maatskaplike werker nie van 'n plig in die ondersoek na die seksuele misbruik van babas nie. Wanneer daar gelet word op die funksies van die forensiese maatskaplike werker in die Suid-Afrikaanse konteks, word die belangrikheid van verdere of gespesialiseerde opleiding weer duidelik. Weyers (2001:3-6) verwys na verskeie funksies van die forensiese maatskaplike werker wat die volgende insluit:

- om die hof behulpsaam te wees om die psigo-sosiale funksionering te verstaan;
- om inligting aan die hof te gee rondom onder meer menslike gedrag en sosiale probleme;
- om as deskundige getuie op te tree en aanbevelings aan die hof te maak.

Die respondente plaas klem op die rol van die forensiese maatskaplike werkers as deskundiges deur die volgende te meld:

- *” hulle het agtergrond van kinderontwikkeling en kan in die hof van familie dinamika en tendense getuig”;*
- *Hulle is deskundiges op die gebied van die gesin en sosiale omstandighede”.*

In terme van bogenoemde kan die forensiese maatskaplike werker dus ‘n rol speel, selfs wanneer die slagoffer nie verbaal kan kommunikeer nie. Opleiding, en wel deurlopende opleiding, is ‘n vereiste om genoemde funksie effektief te vervul.

10.2.5 Forensiese maatskaplike werkers moet gespesialiseerde opleiding ontvang

Die siening dat die forensiese maatskaplike werker oor spesialisopleiding moet beskik word deur Kuehnle (1995:27) asook Scheepers (2008:29) gesteun. Hulle dui aan dat forensiese maatskaplike werkers slegs gekwalifiseer kan word deur nagraadse studies of deur geakkrediteerde kursusse van goedgekeurde opleidingsinstansies. Die respondente meld in hierdie verband dat:

- *“ ‘n gewone maatskaplike werker kan dit nie doen nie. Forensiese maatskaplike werkers het meer kennis.”*
- *Alle maatskaplike werkers is nie op dieselfde vlak nie. Opleiding is nodig om forensiese maatskaplike werk te doen”.*
- *“Daar moet definitief ekstra opleiding wees”.*
- *“Daar moet deurlopende opleiding wees”.*

Respondente beklemtoon dus dat basiese maatskaplike werkopleiding nie voldoende sal wees in die ondersoek na die seksuele misbruik van babas nie. Howes (1990:68-69) verwys daarna dat maatskaplike werkers nie oor toepaslike kennis beskik om as deskundige getuies op te tree nie. Gespesialiseerde kennis waarvoor forensiese maatskaplike werkers moet beskik in sake van seksuele molestering van die kind, is volgens Smith (2007:28) asook Scheepers (2006:151) onder andere die volgende:

-
- regskenis (kennis van vonnisoplegging);
 - hofprosedures (hoe om vir hofsake voor te berei);
 - teenwoordige of afwesige gedragstekens wat as noodsaaklike aanduidings van seksuele misbruik optree;
 - moontlike beserings wat die kind tydens seksuele misbruik kon opdoen;
 - die langtermyngevolge van seksuele misbruik vir die kind;
 - kennis van die volwasse seksoortreder;
 - kennis van forensiese maatskaplike werk;
 - kennis van wette ((soos die Wet op Seksuele Misdrywe, Wet 23 van 1957 / Seksuele oortredingswet (32 van 2007); strafproseswet, Wet 51 van 1977; die Wet op Films en Publikasies, Wet 65 van 1996; die Egskeidingswet, Wet 70 van 1979; en die Kinderwet, Wet 38 van 2005)).

10.2.6 Die forensiese maatskaplike werker tree as deskundige getuie in die hof op

Volgens die respondente moet die forensiese maatskaplike werker as 'n deskundige getuie, feite aan die hof voorsien rondom die seksuele misbruik van die baba.

Een respondent noem dat forensiese maatskaplike werkers: "*... het agtergrond van kinderontwikkeling en kan in die hof oor familie dinamika en tendense in die familie getuig*". Die respondent wat nie dink 'n forensiese maatskaplike werker het 'n rol nie is van mening dat onkunde oor hierdie rol die respondent dus nie weet hoe die maatskaplike werker met hul 4 jaar opleiding 'n deskundige getuie kan wees nie.

Volgens Carstens (2006:185) benodig die hof deskundiges wat in die hof kan getuig. Om as deskundige getuie te kan optree "can be a demanding, challenging and exhilarating experience" (Carstens, 2006:185). Om hierdie rede moet forensiese maatskaplike werkers hulself bemagtig om as deskundige getuies in die hof te kan optree. Carstens (2006:188) definieer deskundige getuie as: "one who is knowledgeable in a specialized field, that knowledge being obtained from either

education or personal experience "one who by reason of education or specialized experience possesses superior knowledge respecting a subject about which persons who have no particular training are incapable of forming an accurate opinion or deducing correct conclusions". Roberts en Bronwell (1999:360) definieer forensiese maatskaplike werk as 'n spesialiteitsveld in maatskaplike werk wat op die wet fokus en geregsdienaars opvoed oor maatskaplike aspekte. Die toepassing van wetenskaplik-gebaseerde prosesse wat die forensiese maatskaplike werker moet volg tydens die ondersoek word ook uitgelig. Fouché (2006:206) verwys na die objektiewe professionele persoon wat wetlik-verdedigbare, betroubare en geloofwaardige inligting bekom wat binne die hofprosedures benut kan word. Volgens Barker en Branson (2001:1) is die lewering van deskundige getuies in die hof soos die ondersoek van kriminele sake deel van die take van die forensiese maatskaplike werker. In terme van ondersoeke van die seksuele misbruik van babas, kan die forensiese maatskaplike werker die hof dus van feite voorsien rondom die maatskaplike omstandighede waarin die baba funksioneer. Carnes (2006:5-6) identifiseer inligting oor verskeie onderwerpe wat tydens forensiese ondersoeke verkry moet word:

- familiegeskiedenis en -dinamika;
- huidige familiesamestelling;
- name en verhoudings van betekenisvolle individue in die kind se lewe;
- die kind se sosiale en ontwikkelingsgeskiedenis;
- versorgingsroetines.

10.2.7 Forensiese maatskaplike werkers ondersoek kollaterale bronne

Die respondente maak melding van die Omvattende Assesseringsmodel wat as die aanvaarbare model binne die SAPD se forensiese maatskaplike werkkonteks gesien word (SAPD Forensiese Maatskaplike Werk Handleiding, 2007). Respondente meld: "... die forensiese maatskaplike werker doen ook kollaterale ondersoeke en daardie inligting kan ook die hof help". Volgens Faller (2007:42) veronderstel die Omvattende Assesseringsmodel dat kinderonderhoude slegs een van verskeie bronne van informasie is wat tydens die ondersoek na seksuele

misbruik van kinders oorweeg moet word. Omdat die seksuele misbruik van kinders baie kompleks is, is dit noodsaaklik dat verskeie bronne tydens die ondersoek en evaluering geraadpleeg moet word. Die Omvattende Assesseringsmodel bied dus ruimte om ander kollaterale bronne te ondersoek en om die hof van daardie feite te voorsien. In die konteks van die babaslagoffer is kinderonderhoude nie moontlik nie. Die respondente beskou onderhoude en evaluering met ander kollaterale bronne soos ouers/versorgers, familielede, die bestudering van sekondêre dokumentasie en ander professionele verslae, ouer-kind interaksies, onderhoude met die beweerde oortreder en die voorsiening van inligting aan die hof ten opsigte hiervan, as 'n opsie in gevalle van die seksuele misbruik van babas.

10.2.8 Forensiese maatskaplike werkers voorsien indiepte verslae

Vyf van die respondente meld dat die hofverslag van die forensiese maatskaplike werker oorsig van die omstandighede kan gee. Volgens die respondente moet die forensiese maatskaplike werkers volledige verslae aan die hof voorsien wat op feite gebaseer is. Die verslag van die forensiese maatskaplike werker is 'n aanduiding van die deskundige kennis waaroor die werker as getuie beskik. Carstens (2006:193) verrat dit soos volg: "an excellent report gives a full discussion of the facts and the expert's analysis thereof, with a clear conclusion and opinion".

Die verslag van die forensiese maatskaplike werker wat aan die hof voorgelê word en op wetenskaplike feite gebaseer is, kan nuwe inligting ten opsigte van die seksuele misbruikfenomeen verskaf wat deur die hof in oorweging geneem kan word.

10.2.9 Forensiese maatskaplike werkers het 'n opvoedingsfunksie

Die opvoedingsfunksie van die forensiese maatskaplike werker is deur al die respondente uitgelig. Een respons is: "*Die inligting wat die forensiese maatskaplike werker verskaf kan die hof help om omstandighede waarbinne die misdad gepleeg is, te verstaan*".

Roberts en Bronwell (199:360) meld in die verband dat die forensiese maatskaplike werker professionele persone in die regsprofessie moet opvoed rakende hul. Barker en Branson (2000:1) beklemtoon dat die forensiese maatskaplike werker ook

die hof behulpsaam moet wees ten opsigte van kennis aangaande aspekte van die seksuele misbruik van kinders. Die noodsaaklikheid van die opvoedingsfunksie van die forensiese maatskaplike werker word veral deur Van der Merwe (2002:17) uitgelig wanneer verwys word na die gebrek aan kennis en insig by die hof rondom die aard en impak van seksuele misbruik op kinders. Volgens Van der Merwe (2002:17) mag hierdie onkunde aanleiding gee tot wanpersepsies wat bydra tot die uiteindelijke onakkurate gradering van hofsake asook die skuldigbevindings van oortreders.

11 BESPREKING

Uit hierdie studie is dit duidelik dat die respondente die seksuele misbruik van babas as 'n gruwel beskou wat prioriteitaandag vereis. Die Suid-Afrikaanse Polisie en die Departement van Justisie is die kern staatsdepartemente om seksuele oortredings te ondersoek en oortreders te vervolg. Die respondente het oor genoegsame ondervinding beskik om ingeligte menings oor die rol van forensiese maatskaplike werkers in die ondersoek na die seksuele misbruik van babas te verskaf.

Uit die ondersoek blyk dit dat hoewel daar suksesvolle vervolging was van sake waar babas die slagoffers was, hierdie suksesse gegrond is op die teenwoordigheid van bewyse soos mediese en ooggetuie verslae en nie op inligting verkry van die baba nie. Die ondersoek wys ook daarop dat die meerderheid sake waar babas die slagoffers was verwyder is van die hofrol omdat daar nie genoegsame getuies bestaan het nie. Die onvermoë van babas om direkte getuie te lewer moet dus aanvaar word. Fokus word daarom geplaas op die rol van die forensiese maatskaplike werker as deskundige getuie in die hof.

Dit blyk dat die oorwegende mening van die respondente in die ondersoek is dat forensiese maatskaplike werkers wel 'n rol het in die hantering van gevalle van die seksuele misbruik van babas het. Hierdie mening is egter op die voorwaardes gegrond, dat die maatskaplike werker oor genoegsame kennis en spesialisopleiding moet beskik. Die een respondent wat van mening was dat die forensiese maatskaplike werker nie 'n rol het in die hantering van seksuele misbruik van babas

nie, het hierdie mening gehuldig weens 'n gebrek aan kennis oor die rol van die forensiese maatskaplike werker.

Die rol van forensiese maatskaplike werkers in 'n indiepte ondersoek na kollaterale bronne en die interpretasie daarvan word deur die respondente as van groot waarde beskou. Die forensiese maatskaplike werker met spesialisopleiding kan die hof van meer feite as deskundige voorsien, selfs by die afwesigheid van die baba as getuie. Die forensiese maatskaplike werker kan verder sake na die kinderhof verwys by die gebrek aan skuldigbevindinge in die kriminele hof.

12 SAMEVATTING

Uit die menings van die respondente blyk dit dat die forensiese maatskaplike werker veral 'n rol het om kollaterale inligting te eksploreer en te interpreteer vir hofprosedures, in ondersoeke na die seksuele misbruik van babas. Die respondente beklemtoon ook die opvoedingsfunksie van die forensiese maatskaplike werker as deskundige getuie.

Met betrekking tot die kollaterale ondersoek meld Fouché (2006:234) dat die ondersoek gerig moet wees op, onder andere, die ontwikkelingsstadia van die kind, seksuele misbruikgeskiedenis, asook die rede vir die rapportering van die misbruik. Kollaterale onderhoude word gevoer met ondersoekbeamptes, maatskaplike werkers van Nie-Regeringsorganisasies, asook met ander professionele persone betrokke by gevalle van seksuele misbruik van babas.

Na afloop van hierdie ondersoek kan die afleiding gemaak word dat die forensiese maatskaplike werkers, veral in die GKS-eenheid van die Boland, wel 'n belangrike rol kan speel in ondersoeke na die seksuele misbruik van babas. Dit is egter noodsaaklik dat die rol van die forensiese maatskaplike werker aan alle rolspelers duidelik uiteengesit moet word om verwarring te voorkom.

13 AANBEVELINGS

Op grond van die voorafgaande bevindings word die volgende aanbevelings gemaak ten opsigte van die rol van die forensiese maatskaplike werker in die ondersoek na die seksuele misbruik van babas:

-
- Daar moet groter duidelikheid wees oor die rol van die forensiese maatskaplike werker. Dit is verder die plig van die GKS-eenhede om hierdie inligting deur te gee aan rolspelers soos die polisie, asook die staatsaanklaers.
 - Gevalle waar babas die slagoffers van seksuele misbruik is, behoort die saak na die forensiese maatskaplike werker verwys te word vir ondersoek en evaluering. Soos blyk uit die studie, mag die tipe gevalle verwys word wanneer:
 - die regsisteem inligting benodig om te bepaal of die geval vir kinderhof-ondersoeke verwys moet word, al dan nie;
 - die hof inligting benodig ten opsigte van kollaterale bronne en vereis dat die forensiese maatskaplike werker inligting moet interpreteer om feite aan die hof te verskaf;
 - die forensiese maatskaplike werker as deskundige getuie moet optree om die hof op te voed oor spesifieke tendense wat betrekking het op die seksuele misbruik van die baba.
 - Die fokus van die verwysing moet nie wees om inligting van die kind te bekom nie, maar wel om 'n in-diepte ondersoek te doen rondom die gesinsdinamika en die omstandighede rondom beweringe van seksuele misbruik.
 - Die inligting bekom deur die forensiese maatskaplike werker tydens die ondersoek van beweringe van seksuele misbruik van babas kan verder gebruik word om die geval te verwys vir kinderhofverrigtinge ten einde die kind te beveilig.
 - Die maatskaplike werker wat versoek word om die forensiese ondersoek te doen moet oor gespesialiseerde kennis wat ook nagraadse studie insluit, beskik ten einde interpretasies te kan maak wat in 'n hofbeslissing tot nut kan wees.
 - Aandag moet geskenk word aan die bewusmaking van staatsaanklaers oor die rol van forensiese maatskaplike werkers om sodoende onduidelikheid oor hul rol uit te skakel.

14 BIBLIOGRAFIE

- Babbie, E. 2007. *The practice of social research*. London: Thomson & Wadsworth.
- Babbie, E. & Mouton, J. 2001. *The practice of social research*. Cape Town: Oxford University Press.
- Barker, R.L. 1995. *The social work dictionary*. Washington: NASW Press.
- Barker, R.L. & Branson, D.M. 2000. *Forensic social work: Legal aspects of professional practice*. New York: The Haworth Press, Inc.
- Bird, W. & Spurr, N. 2007. Media representations of baby rape: The case of Baby Tshepang. (*In Richter, L., Dawes, A. & Higson-Smith, C. eds. Sexual abuse of young children in Southern Africa*. Cape Town: HSRC Press. p. 36-52).
- Black, H.C. 1979. *Black's law dictionary*. St Paul: West Publishing Co.
- Burman, S. 2003. *The fate of the child: legal decisions on children in the new South Africa*. Landsdowne: Juta Law.
- Carstens, R. 2006. The expert witness in cases of child sexual abuse. (*In Spies, G.M. ed. Sexual abuse: dynamics, assessment and healing*. Pretoria: Van Schaik Publishers. p. 185-201).
- Carnes, N. 2006. *Child sexual investigations: Multi-disciplinary collaborations. Internet resource for child sexual abuse cases*. Date of access: 26 Oct. 2006.
- CIAC. 2003. *Integrated sexual offences training*. (*In National Prosecuting Authority training manual presented at NPA Training in Worcester on 31 May 2011*. Pretoria: Government Printers).
- Coetzer, P. 2006. Die bekamping van en strafmaatreëls teen verkragting en gesinsgeweld in Suid-Afrika: 'n kontemporêre studie. *Journal for Contemporary History*, 30(2):121-140.
- Collings, S.J. 2007. Criminal justice outcomes in child rape: a case flow analysis. *Acta criminologica*, 20(4):14-18.

-
- Cox, S., Andrade, G., Lungelow, W. & Schloetelburg, H. 2007. The child rape epidemic: Assessing the incidence of Red Cross Hospital, Cape Town and establishing the need for a new protocol. *Original Articles*, 97(10):950-955, Oct.
- Creswell, J.M. 2003. Research design: Qualitative, quantitative and mixed methods approaches. USA: Sage Publication Inc.
- De Vos, A.S. 2005. Qualitative data analysis and interpretation. (*In De Vos, A.S., Strydom, H., Fouché, C.B. & Delpont, C.S.L. eds. Research at grass roots: for the social science and human professions. Pretoria: Van Schaik. p. 333-349).*
- Dunn, M. 2011. The learning of sexual abuse prevention concepts and the reliability of the CKAQ-RIII in the South African context. *Social Work/Maatskaplike Werk*, 47(2):155-175, Jun.
- Ellis, A. 2003. Baby rape: Why does the law not protect them? *Journal for Juridical Science*, 28(1):59-75.
- Faller, K.C. 2007. Interviewing children about sexual abuse: Controversies and best practices. New York: Oxford University Press Inc.
- Ferguson, I. & Lavalette, M. 2009. Social work after "Baby P". <http://www.isj.org.uk/index.php4?=534&issue=122>. Date of access: 3 Mrt. 2011.
- Fouché, A. 2006. Assessment of the sexually abused child. (*In Spies, G.M. ed. Sexual abuse: dynamics, assessment & healing. Pretoria: Van Schaik. p. 205-240).*
- Fouché, C.B. & De Vos, A.S. 2005. Problem formulation. (*In De Vos, A.S., Strydom, H., Fouché, C.B. & Delpont, C.S.L. eds. Research at grass roots: for the social science and human professions. Pretoria: Van Schaik. p. 100-110).*
- Fouché, C.B. & Delpont, C.S.L. 2005. In-depth review of literature. (*In De Vos, A.S., Strydom, H., Fouché, C.B. & Delpont, C.S.L. eds. Research at grassroots: for social sciences and human service professions. Pretoria: Van Schaik. p. 123-131).*
- Fouché, C.B. & Delpont, C.S.L. 2011. Introduction to the research process. (*In De Vos, A.S., Strydom, H., Fouché, C.B. & Delpont, C.S.L. eds. Research at*

grassroots: for social sciences and human service professions. Pretoria: Van Schaik. p. 61-78).

Fouché, A. & Joubert, J.M.C. 2003. Play techniques in the assessment of sexually abused black children. *Acta criminological*, 16(4):12-20.

Greeff, F.M. 2005. Information Collection: Interviewing. (In De Vos, A.S., Strydom, H., Fouché, C.B. & Delpont, C.S.L. eds. Research at grassroots: for social sciences and human service professions. Pretoria: Van Schaik. p. 286-313).

Hewitt, S.K. 1999. Assessing allegations of sexual abuse in pre-school children: understanding the small voices. California: Sage Publications Inc.

Howes, M.F. 1990. Die maatskaplike werker as deskundige getuie in die hof. *Maatskaplike Werk/ Social Work*, 26(1):67-73, Mrt.

Jewkes, R. & Abrahams, N. 2002. The epidemiology of rape and sexual coercion in South Africa: an overview. *Social Science & Medicine*, 55:1231-1244.

Ka'Nkosi, S. 2001. Babies in front line of a new war. *Sunday Times*, 15, 9 Dec.

Kuehnle, K. 1995. Assessing allegations of child sexual abuse. Sarasota: Professional Resource Exchange.

Kuehnle, K., Connell, M. 2009. The evaluation of child sexual abuse allegations: a comprehensive guide to assessment and testimony. New Jersey: John Wiley, Inc.

Louw, A, E. 2001. Die bevoegdheid van kinders as getuies: die rol van ouderdom en ontwikkelingsvlak in geheue. *Child Abuse Research in South Africa*, 5(2):592:3-15.

Louw, D. & Louw, A. 2007. Child and adolescent Development. South Africa: University of Free State.

Louw, D. & Louw, A. 2004. Child and adolescent development. Bloemfontein: Psychology Publications.

-
- Marchetti-Mercer, M.C. 2003. A socio-psychological perspective on the phenomenon of infant rape in South Africa. *South African Psychiatry Review*, 6:6-12, Nov.
- Meier, E. 2002. Child Rape in South Africa. *Paediatric Nursing*, 28(5):532-535.
- Mitchell, M. & Jolley, J. 2001. Research design explained. USA: Wadsworth.
- Mouton, J. 2001. How to succeed in your master's and doctoral studies: a South African guide and resource book. Pretoria: Van Schaik.
- Müller, K. 2001. Clinical and forensic interviews and the child witness. *CARSA*, 2(2):8-14.
- Müller, K. & Hollely, K. 2009. Introducing the child witness. Port Elizabeth: Printrite.
- Neuman, W.L. 1997. Social research methods: qualitative and quantitative approaches. Boston: Allyn and Bacon.
- Oatway, J. 2002. Niks of niemand kan die verkragting van kinders keer. *Die Burger*, 10:5 Sept.
- O'Brien, K.P. & Sullivan, S. 1990. Criminalistics: theory and practice. Boston: Allyn and Bacon.
- Pitcher, G.J. & Bowley, D.M.G. 2000. Infant rape in South Africa. *The Lancet*, 356:274-320.
- Poggenpoel, M. 1998. Data analysis in qualitative research. (In De Vos, A.S., Strydom, H., Fouché, C.B. & Delport, C.S.L. eds. Research at grassroots: a primer for the caring professions. Pretoria: Van Schaik. p. 334-353).
- Posel, D. 2005. The scandal of manhood: 'Baby rape' and the politicization of sexual violence in the post-apartheid South Africa. *Culture, Health & Sexuality*, 7(30):239-252, May.
- Richter, L.M. 2003. Baby rape in South Africa. *Child Abuse Review*, 12:392-400.

Richter, L., Dawes, A. & Smith, C. 2004. Sexual Abuse of young children in Southern Africa. South Africa: HSRC Press.

Roberts, A.R., & Bronwell, P. 1999. A century of forensic social work: bridging the past to the present. *Social Work*, 44 (1):359-362, March.

Roos, V. & Voster, C. 2003. An introduction to forensic Psychology. Wingate Park: Verbum Publishers.

Rubin, A. & Babbie, E.R. 2005. Research methods for social work. London: Thomson.

SA sien South Africa of Suid-Afrika

Scheepers, J. 2006. The role of the legal representative in sexual abuse cases. (*In* Spies, G.M. ed. Sexual abuse: dynamics, assessment and healing. Pretoria: Van Schaik. p. 151-156).

Scheepers, E. 2008. Forensiese maatskaplike werk as spesialiteitsveld in maatskaplike werk: definiëring en terrein. Potchefstroom: Noordwes-Universiteit. (Skripsie - MA in Forensiese Praktyk).

Schmidt, C.W.T. 1993. Bewysreg. Durban: Butterworths.

Smith, S. 2007. Die forensiese maatskaplike werker as deskundige getuie in die hof. Potchefstroom: Noordwes-Universiteit. (Skripsie - MA in Forensiese Praktyk).

South Africa. 1993. National Prosecutor Authority. (Booklet of ThuThuzela Centres in South Africa). Pretoria: Government Printers.

South Africa. 2005. Children's Act, 38 of 2005. Pretoria: Staatsdrukkers.

South Africa. 2008. South African Police Service. 1st Draft FCS Policy Document. Pretoria: Government Printers.

South Africa. 2011. Department of Health and Human Services. Intervention and treatment issues. <http://www.childwelfare.gov/pubs/usermanuals/sexabuse/sexabused.cfm>. Date of access: 3 Mrt. 2011.

-
- Suid-Afrika. 1977. Strafproseswet 51 van 1977. Pretoria: Staatsdrukker.
- Suid-Afrika. 2003. Suid-Afrikaanse Polisie Diens. Die Misdaad Informasie Beheersentrum van die Suid-Afrikaanse Polisie Diens. Pretoria: Staatsdrukker.
- Suid-Afrika. 2007. Suid-Afrikaanse Polisie Diens. Forensiese Maatskaplike Werk Handleiding. Pretoria: Staatsdrukker.
- Suid-Afrika. 2007. Suid-Afrikaanse Polisie Diens. Jaarverslag. Pretoria: Staatsdrukkers.
- Suid-Afrika. 2007. Seksuele Oortredingswet, 32 of 2007. Pretoria: Staatsdrukker.
- Suid-Afrika. 2008. Departement of Social Development (Departement van Maatskaplike Ontwikkeling). Regulations relating to the registration of a speciality in Forensic social work. Pretoria: Government Printers.
- Suid-Afrika. 2008. Suid-Afrikaanse Polisie Diens. Nasionale Instruksie 3/2008. Pretoria: Staatsdrukker.
- Suid-Afrika. 2007/2008. Suid-Afrikaanse Polisie Diens. Jaarverslag. Pretoria: Staatsdrukkers.
- Suid-Afrika. 2008-2009. Suid-Afrikaanse Polisie Diens. Jaarverslag. 2008-2009. Pretoria: Staatsdrukkers.
- Suid-Afrika. 2010. Nasionale Vervolgingsgesag. (Integrated sexual offences training manual. Training presented on 31 May 2011). Pretoria: Government Printers.
- Suid-Afrika. 2011. Suid-Afrikaanse Polisie Diens. Forensiese maatskaplike werk Posbeskrywing. Pretoria: Staatsdrukker.
- Suid-Afrika. 2012. Nasionale Vervolgingsgesag. Worcester: Worcester Thuthuzela Care Centre Protocol.
- Spies, G.M. 2006. The effect of sexual abuse on a child. (*In* Spies, G.M. ed. Sexual abuse: dynamics, assessment and healing. Pretoria: Van Schaik. p. 44-61).

Spies, G.M. & Carstens, R. 2005. The social worker as an expert witness in court cases of child sexual abuse: a professional guide. *The Social Work Research Practitioner / Die Maatskaplike Werk Navorsers Praktisyn*, 17(1):29-47, March.

Strachan, A., Pietersen, M. & Durfee, M. 2003. Child abuse and neglect: guidelines for identification, assessment and case management. CA: Volcano Press.

Strydom, H. 2003. Maatskaplike werk-navorsing. Potchefstroom: Noordwes-Universiteit. (Studiegids).

Strydom, H. 2005a. Sampling and sampling methods. (In De Vos, A.S., Strydom, H., Fouché, C.B. & Delport, C.S.L. eds. Research at grassroots: for social sciences and human service professions. Pretoria: Van Schaik. p.192-204).

Strydom, H. 2005b. Ethical aspects of research in the social sciences and human service professions. (In De Vos, A.S., Strydom, H., Fouché, C.B. & Delport, C.S.L. eds. Research at grassroots: for social sciences and human service professions. Pretoria: Van Schaik. p. 56-70).

Stutterheim, E. & Weyers, M.L. 1999. Forensic social work with special reference to forensic social work of the SAPS. *Maatskaplike Werk/Social Work*, 35 (1):11-21, March.

Taylor, M. & Thomas, A. 2003. The long term neurological and developmental effects of sexual abuse in infant children. *Science Magazine. Science in Africa: Africa's first online magazine*. [Mhtml:file:///F:/ the/long/term/neu/dev](http://file:///F:/the/long/term/neu/dev). Date of access: 14 Apr. 2010.

Thomas, T. 2007. Only SA's black men have the power to eradicate baby rape. *Daily Dispatch*, 10:3, Apr.

Vaktaalkomitee. 1995. Nuwe Woordeboek vir Maatskaplike Werk. Kaapstad: CYP Boekbinders.

Van der Merwe, A. 2002. Judicial perceptions of harm in child sexual abuse matters: A compelling case for impact statements. *Child Abuse Research in South Africa*, 8(1):11-17.

Venter, G. 2009. SA Career Focus Magazine. www.sacareerfocus.co.za Date of access: 4 Jul. 2009.

Waterhouse, S. 2008. The impact of changing criminal justice: response to child victims of sexual abuse. Good intention, questionable outcomes. Open Society Foundation of South Africa. (Criminal Justice initiative occasional paper series, 4).

Weyers, M.L. 2001. Demarcating the field of forensic social work in South Africa: A basis document. Document presented to the SACSSP. July, 2001.

BYLAE
BYLAAG 1
SKRIFTELIKE TOESTEMMING VAN SAPD

SUID-AFRIKAANSE POLISIEDIENS



SOUTH AFRICAN POLICE SERVICE

Prosesno/Proseso Reg. 384

Reference Nr Verrekening	3/34/2
Name Enquiseer	Col J. Schneider Lt Col GJ Joubert
Telefoon Telephone	012-360 3177 012-360 3116
Faksnommer Fax number	012-360 3178

STRATEGIC MANAGEMENT COMPONENT
HEAD OFFICE
PRETORIA

2011-11-16

The Provincial Commissioner
WESTERN CAPE

(For att: Lt Col Jeeboth)

RE: RESEARCH REQUEST: THE ROLE OF FORENSIC SOCIAL WORKERS IN THE BOLAND FCS-UNITS REGARDING THE SEXUAL ABUSE OF BABIES : RESEARCHER: CAPT DE JONGH

1. The research proposal of Capt FHS de Jongh pertaining to the above mentioned topic refers.
2. The goal of the research is to explore the role of the forensic social worker of the Family Violence, Child protection and Sexual offences unit with regard to baby victims of sexual offences.
3. The researcher needs permission to interview three forensic social workers from the Boland-areas, one from each Worcester, Ceres and Paarl. In-depth structured interviews will be used to obtain information, which will last for two hours per interview.
4. Due to the sensitive nature of the research topic, the identity of victims, witnesses or perpetrators, that may be disclosed to the researcher during the research process, should be treated with absolute confidentiality.
5. This office recommends the study in terms of National Instruction 1 of 2006: Research in the Service, subject to the approval of the Provincial Commissioner: Western Cape.

With kind regards


MAJOR GENERAL
HEAD, STRATEGIC MANAGEMENT
GÉ MOORCROFT

**RESEARCH PROPOSAL: THE ROLE OF FORENSIC SOCIAL WORKERS IN THE BOLAND
FCS-UNITS REGARDING THE SEXUAL ABUSE OF BABIES: NORTH WEST UNIVERSITY
RESEARCHER : CAPT FELICIA HELEN SHIRLEY DE JONGH**

- the applicant will conduct the research alone but will supply the full identification and purpose of any person who might be accompanying her on the day of the visit to the station/unit;
- at the completion of the research, the applicant will donate a copy of the research to the Service;



COLONEL

PROVINCIAL COMMANDER :EFFICIENCY SERVICES
JAW BROWN

Date 2011. 12. 22.

COMMENTS



BRIGADIER

PROVINCIAL HEAD: ORGANIZATIONAL DEVELOPMENT
HD HEILBRON

Date 2011. 12. 22.

RESEARCH PROPOSAL : THE ROLE OF FORENSIC SOCIAL WORKERS IN THE BOLAND
FCS-UNITS REGARDING THE SEXUAL ABUSE OF BABIES: NORTH WEST UNIVERSITY
RESEARCHER : CAPT FELICIA HELEN SHIRLEY DE JONGH

APPROVED / ~~NOT APPROVED~~



LIEUTENANT GENERAL
PROVINCIAL COMMISSIONER : WESTERN CAPE
AN-LAMOER

Date 2012-01-10

BYLAAG 2

SKRIFTELIKE TOESTEMMING VAN DIE DEELNEMERS

TOESTEMMINGS-DOKUMENT

Titel van die studie: Die rol van die forensiese maatskaplike werkers in die ondersoek van seksuele misbruik van babas in die Boland

Navorser: Filicia de Jongh, M Maatskaplike Werk (Forensiese Praktyk) Student

Supervisor: Dr A. Roux

Verklaring:

Ek,, verklaar hiermee dat ek vrywillig ingestem het om deel te neem aan die navorsing en dat ek ter enige tyd my deelname kan staak sou ek so voel.

Ek gee hiermee toestemming dat die onderhoud op oudioband opgeneem word en verstaan dat die opnames slegs deur die navorser en supervisor bestudeer sal word. Die onderhoud wat op die oudioband opgeneem is, dien om die navorser te help om data te interpreteer en te analiseer. Die oudioinligting sal na die proses vernietig word.

Die navorser het my verder ingelig rondom die volgende aspekte:

Die doel van die navorsing

Die hoofdoelwit van hierdie navorsing is om die rol van die forensiese maatskaplike werker in die ondersoek na te vors.

Prosedures

Toestemming is bekom vanaf die Suid-Afrikaanse Polisie se Strategiese Bestuur, Pretoria, en die Weskaapse Provinsiale Kantoor om die studie binne die Gesinsgeweld-, Kinderbeskermings- en die Seksuele oortredingseenheid te doen.

Beginnels van vertroulikheid, privaatheid en anonimiteit

Die resultate van die studie gaan in professionele joernale publiseer word. Die identiteit van die deelnemers sal egter vertroulik wees.

Etiese goedkeuring

Die navorsing is aan die Etiese Komitee van die Noordwes-Universiteit voorgelê om te bepaal of die ondersoek aan die etiese beginsels voldoen al dan nie. Die Komitee het die ondersoek goedgekeur.

Voordele van die studie

Die studie sal inligting voorsien oor die rol wat forensiese maatskaplike werkers moet speel in gevalle waar babas die slagoffers van seksuele misdade is. Nuwe inligting omtrent die tipe sake wat na forensiese maatskaplike werkers (werkzaam in SAPD) verwys moet word, sal deur die studie bekom word.

1. _____

HANDTEKENING DEELNEMER

_____ OP _____ DATUM: _____ PLEK _____

2. _____

HANDTEKENING NAVORSER

_____ OP _____ DATUM: _____ PLEK _____

3. _____

GETUIE

_____ OP _____ DATUM: _____ PLEK _____

BYLAAG 3

Die rol van forensiese maatskaplike werkers in die ondersoek van seksuele misbruik van babas in die Boland

INLEIDING

Die ondergetekende, Kaptein Filicia de Jongh, is in diens van die SAPD as 'n forensiese maatskaplike werker met kerntake, die ondersoek van beweringe rondom kinder-seksuele misbruik. Ek is tans besig met navorsing oor die rol van die forensiese maatskaplike werker in die ondersoek van seksuele misbruik van babas.

Genoemde navorsing het die volgende oogmerke:

- om die rol van die forensiese maatskaplike werker in die GKS-eenheid in die ondersoek na beweerde seksuele misbruik van babas te ondersoek; en
- om inligting te bekom oor die bespoediging en afhandeling van sake oor die seksuele misbruik van babas.

Die bevindinge sal tot voordeel wees van forensiese maatskaplike werkers in die praktyk, asook van wyses hoe die afhandeling van sake van die seksuele misbruik van babas bespoedig kan word.

Die resultate van die navorsingsondersoek vorm deel van die vereistes vir die voltooiing van die graad Magister Maatskaplike Werk in Forensiese Praktyk van die Noordwes-Universiteit (Potchefstroom Kampus).

U deelname in die projek word opreg waardeer. U bydrae, kennis en menings is noodsaaklik vir die uitvoering van hierdie navorsing.

Antwoord asseblief die volgende vrae eerlik. U antwoorde sal met vertroulikheid hanteer word. Geen identifiserende besonderhede sal verskaf word nie.

WERKSAGTERGROND

a) Werkgewer: _____

b) Posbeskrywing:

c) _____

d) Jare ondervinding:

Ondervinding in jare	
1- 5 jaar	1
5-10 jaar	2
10 jaar- 15jaar	3
15-20 jaar	4
+20 jaar	5

e) Gee asseblief u mening oor seksuele misbruik van babas (0 tot einde van 2 jaar).

f) _____

g) Wat is u organisasie se beleid rondom die ondersoek / hantering van beweringe van seksuele misbruik van babas?

h) Het u al gevalle hanteer van beweerde seksuele misbruik van babas (0 tot die einde van 2 jaar)?

i) Wat was die aard van bogenoemde gevalle?

j) Wat was die uitkomst van hierdie sake?

k) Watter struikelblokke kan u identifiseer in die suksesvolle afhandeling van sake rakende die seksuele misbruik van babas?

l)

m) Dink u die forensiese maatskaplike werker het 'n rol te speel in die ondersoek van beweerde seksuele misbruik van babas? Indien "Ja"- bespeek asseblief.

n) Indien u van mening is dat die forensiese maatskaplike werker nie 'n rol by die ondersoek van beweerde seksuele misbruik van babas het nie, verduidelik asseblief waarom dit u mening is.

o) Watter aanbevelings sal u maak ten einde die spoedige afhandeling van genoemde tipe sake te verseker?

p) Is u van mening dat die forensiese maatskaplike werker oor genoegsame kennis en vaardighede beskik om 'n rol te speel in die ondersoek van genoemde tipe sake?

Ja		Nee	
----	--	-----	--

q) Motiveer hoekom u “ja” of “nee” geantwoord het.

r) Watter vaardighede dink u het forensiese maatskaplike werkers nodig om 'n effektiewe rol te speel in die ondersoek van beweerde seksuele misbruik van babas?
